

三朝北盟會編考(續)

陳樂素

九 引用書雜考

會編引用材料中之著述部分，大抵屬節文，而書多不傳，人多無傳，故頗難知其梗概。平日涉獵諸書，偶有所得，輒為筆記，因集之而成此章，以供諸君研究上之一種參考。書名以筆畫多寡為次，惟同一人之作則併而述之。其書尚存而人亦有傳者從略，前章曾述者亦不復贅。

丁未錄

丁未錄

趙希弁郡齋讀書附志卷五上，編年類：“丁未錄二百卷，右修職郎監臨安府都鹽倉李丙所編也。上帙起召王安石爲翰林學士接即治平四年九月迄于神宗皇帝升遐即元豐八年三月，中帙起宣仁聖烈垂廉除呂公著侍讀即元豐八年四月迄于宣仁聖烈崩廟即紹聖元年二月，下帙起李清臣進策題即紹聖元年三月迄于誅童貫即靖康元年八月。安石之召，實治平丁未之所始，故以「丁未」名之。”又玉海卷四七：“乾道七年(1171)同修國史趙雄言，右修職郎李丙嘗纂丁未錄，起治平之末，迄靖康之初，其間議論更革，往往編年該載；乞給札繕寫。八年六月戊戌原注云二日：「一詔，李丙所錄一百冊，二百卷，淹貫該博，用功甚多：轉右承事郎。」此書書錄解題亦著錄，而云：“每事皆全載制詔章疏甚詳。”但李心傳朝野雜記甲集卷六嘉泰禁私史條有云：“柄即丙，或以父任監行在都鹽倉，乾道八年夏上其所編丁未錄；然紀載無法，學者不稱焉。”按李丙宋史無傳，此錄今亦不傳；會編引用者祇一段，且與欽宗實錄並題。欽宗實錄進於乾道四年(1168)，較此錄為早，然則亦不過欽宗實錄之文也。

入燕錄

入燕錄

此錄諸家書目中唯遂初堂書目有之見本朝，仍未言撰者與卷數。會編則題王安中撰。安中字履道，郡齋讀書志著錄其初寮集，云真定人，宋史本傳見卷五二則云中

山曲陽人原誤作「陽曲」。據繫年要錄卒於紹興四年（1134）見卷七五，會編頗有其事迹。言其於宣和五年（1123）二月由尚書左丞除河北，燕山府路宣撫使繫於正月隨童貫，蔡攸入燕。此錄大抵即記當時之事者也。然會編祇引用一段，而與平燕錄，封氏編年並題；殆平燕錄與封氏編年據之。安中長於文，別有初寮集四十卷，後集十卷，內外制二十六卷及初寮詞一卷；詳見晁志，趙附志及解題。今存者有初寮集八卷及初寮詞一卷。

亡遼錄

亡遼錄

此書繫年要錄引用作「金人亡遼錄」見卷四。會編蓋簡稱之。解題卷五，僞史類：「金人亡遼錄二卷，燕山史願撰。或稱「遼國遺事」。」宋史藝文志則作「北遼遺事」見卷二〇。而晁志卷二下，僞史類：「北遼遺事二卷，不題撰人，蓋遼人也。記女真滅遼事。序云：「遼國自阿保機創業於其初，德光恢廓於其後，吞併諸蕃，割據漢界，南北開疆五千里，東西四千里；戎器之備，戰馬之多，前古未有。子孫繼統二百三十餘年。迨天祚失御，女真稱兵，十三年間，舉國土崩。古人謂得之難，失之易，非虛言也。」所引原序，其末數語即見於會編卷二一所引用一段之末。是金人亡遼錄，遼國遺事與北遼遺事實同一書。所可異者，晁云「不題撰人」，而楊仲良長編紀事本末卷一四二首段註所據書，北遼事或簡卷，或傳鈔漏「遺」字與亡遼錄並列，似非同一書者而已。晁志又有言汪藻所撰金人背盟錄多採北遼遺事見卷三上。史願事迹，會編卷二〇八有云：「字仲參，燕人，先歸朝而來。」而繫年要錄卷四三：「紹興元年（1131）四月庚辰，朝議大夫添差通判衢州史願直祕閣。願，燕山人，有學問。上召見而命之。嘗著金人亡遼錄行於世。」遼亡於宣和七年（1125），故其歸宋與此書之成大抵在建炎間，若靖康則未免過早而有不可能也。願後通判平江府事見繫年要錄卷九四。又嘗爲江東宣撫使張俊幕府見繫年要錄卷二二及二三七。會編卷二一。紹興十二年正月知鼎州見繫年要錄。而會編卷二一四云：「紹興十五年三月敷文閣待制周金及馬觀國，史願送還金國。」

山西軍前和議奉使錄

山西軍前和議奉使錄

此錄會編凡兩引用：卷五五題「靖康大金山西軍前和議日錄」，卷六三作「奉使錄」。爲李若水撰。會編卷八一有忠愍公周李若水事迹載其死事甚詳，宋史卷四

四六本傳即據之。按若水以靖康元年(1126)八月奉命使於粘罕，九月一起行，十一月十一日歸；至十一月十三日再奉使，遇粘罕於懷州，粘罕以甲兵擁之隨大軍南來據本。閏十一月三日至京城外，被拘留於沖虛觀^{見卷八一}。二十六日粘罕遣入城，乃得見帝，留宿殿中^{見卷七〇}。二年正月初十日帝再幸金營，若水與何處，曹輔等從行^{見卷七四}，此後遂不得歸而死於難。則此錄當作於元年閏十一月二十六日以後，二年正月十日之前。現存若水忠愍集三卷，中無此錄。然忠愍集書錄解題著錄作十二卷^{見卷二七}，現存本乃從永樂大典錄出，不過原書四之一而已。

己酉航海記

己酉航海記

書錄解題卷五，雜史類：“己酉航海記一卷，中書舍人李正民撰。又名「建炎居邠記」。提要雜史類存目一：”己酉航海記一卷，宋李正民撰。亦曰「乘桴記」。正民字方叔，揚州人，政和二年進士，高宗時官至中書舍人，徽猷閣待制。建炎三年(1129)己酉七月高宗在金陵，聞金兵深入，遂趨平江，歷越州，明州，十二月乘舟航海，避兵台，溫之間。正民時以中書舍人從行，按日記駐蹕之所。蓋起居註體也。正民尋奉使通問隆祐宮，故所記止於四年正月二十一日；蓋非完藁。北盟會編一百三十四卷，王明清揮麈三錄第一卷皆全載其文。”又別集類十著錄其大隱集十卷，略舉其事迹云：“正民宋史無傳，事蹟始末不可考。惟據航海記所述，知其高宗時爲中書舍人，嘗奉使通問隆祐太后而已。今以集中諸表考之，則在朝嘗爲給事中，禮部，吏部侍郎，在外嘗知吉州，筠州，洪州，湖州，溫州，婺州，淮寧府，數歷頗久，晚予宮祠以歸。又考三朝北盟會編載紹興十二年(1142)五月金元帥來書云：「汴梁留守孟庾，陳州太守李正民及畢良史者，比審議使蕭毅等回，具言江南嘗詢訪此人，今竝委沿邊官司發遣前去。」六月，金人放東京留守孟庾，知陳州李正還民云云^{見卷二八}。是正民於知陳州時嘗爲金人所獲，以和議成得還。集中南歸詩所云「淪身絕域久睽孤，投老歸來鬢髮疎」者，蓋即其事。特孟庾以東京附金，歸後高宗棄不復用，而正民屢更任使，終始弗替。則其在金朝當猶未至於失節；特史文闕略，不得其詳耳。”按李正民史雖無傳，但繫年要錄頗載之。爲定之孫。定江都人，元豐間爲御史中丞^{見卷二三}。正民建炎三年七月二十四日由尚書左司員外郎遷中書舍人^{見卷二五}。十二月中帝航海，從行者惟御史中丞趙鼎，右諫議大夫

富直柔，權戶部侍郎葉份，中書舍人李正民，綦崇禮，太常少卿陳鼈六人見卷一。四年正月二十二日正民以江浙湖南撫諭使朝隆祐太后於虔州見卷一。是年五月試給事中，十一月試尚書吏部侍郎。紹興元年六月移禮部侍郎，十一月知吉州。其知淮寧府則在紹興九年十一月十八日見卷一。十年四月金分四道南侵會編與宋史作五月，命使持詔徧抵諸郡，並分兵隨之。正民與知興仁府李師雄皆降史帝紀亦載此事。至十二年六月以和議成放還。以舊官見。十三年十二月提舉江州太平觀見卷一。二十一年二月卒見卷一。

中興姓氏錄

中興姓氏錄

此錄原闕撰人，繫年要錄引用亦然。至鈔本及許本書目作「姓名錄」，誤。會編所引用凡二十一段，每段記一人。但書名互異。卷三一王黼，四九蔡京，五二童貫，五六蔡攸，此四段俱作「中興姓氏姦邪錄」；卷三三楊可勝，一三八劉晏兩段作「中興姓氏忠義錄」；卷四六郭藥師作「中興姓氏叛逆傳」；卷四七种師中，四八李邦彥，七五劉韜，一一三陳東，一五九朱夢說，二一三朱勝非，王倫，二二〇秦檜八段作「中興姓氏錄」；卷一〇五張邦昌，一二九范瓊兩段作「中興姓氏錄叛逆傳」；卷一三八孫世詢，閻勑，一四一薛慶三段作「中興姓氏錄忠義傳」；卷一四二趙立作「中興姓氏忠義傳」。大抵本名中興姓氏錄，而錄中分忠義，姦邪，叛逆等諸傳；傳鈔輒轉訛漏，遂致有六種不同之稱。如种師中，劉韜等恐本入忠義傳，李邦彥，秦檜恐本入姦邪傳者也。秦檜傳中既及其死後事，則此錄最早亦當作於紹興末年矣。

中興遺史

中興遺史

會編所引用書而標明出處者以此爲最多，凡一百四十餘段。原書凡六十卷。繫年要錄亦多引用。書錄解題卷四編年類：“中興遺史六十卷，從義郎趙甡之撰。慶元中（1195—1200）上進其書。大抵記軍中事爲詳，而朝政則甚略。意必當時游士往來邊陲，出入幕府者之所爲。及觀其記張浚攻濠州一段，自稱姓名曰「開府張鑑」。然則此書鑑爲之而甡之竊以爲己有也。或曰鑑卽甡之婦翁。未知信否。”按張浚攻濠州一段會編雖未引用，但謂此書爲張鑑撰而甡之竊爲己有，恐不然。甡之宋史無傳。余所知有二：其一爲趙哲之子，其一爲宗室子。繫年要錄卷三八有一

注云：“日曆：「紹興四年八月二十一日承節郎趙甡之進狀，父哲建炎三年^{應作四年}落階官，除同州觀察，於當年十月一日宣撫張浚挾私，輒從軍法身死」。”此趙哲子也。至宗室子則見宋史二四〇宗室世系表，作成忠郎，父武翼郎叔篤，祖崇國公克巖，爲太宗弟魏王廷美之後。二者必非一人。惟會編卷一四二「建炎四年九月二十三日張浚軍於富平，爲婁宿所敗」一條之下有引用文一段，記此役經過頗詳，於張浚多作貶詞。此尚未足爲異。特文中諸人俱逕稱其名，而末乃云「諸軍皆潰，惟環慶路經略趙都承先走到汾州，乃稍定」。趙都承者，趙哲也，何以於哲獨稱其官而不名？故余疑此段文採自中興遺史，同時疑中興遺史之撰者乃趙哲之子也。

太上道君北狩行錄

太上道君北狩行錄

解題卷五，雜史類：“北狩行錄一卷，蔡倅，王若冲撰。”又提要雜史類存目一著錄有云：“舊本題宋蔡倅撰。”倅，蔡京之子，尙茂德帝姬，靖康從徽宗北行者也。然是書卷末云：“北狩未有行紀，太上語王若冲曰：一自北遷，於今八年，所履風俗異事不爲不多，深欲紀錄，未得其人；詢之蔡倅，以爲學問文采無如卿者，爲予記之。”此語見會編卷二云云。則是此書爲若冲所作。惟是宋史藝文志亦以此書爲蔡倅撰。疑不能明。或倅述其事，而若冲潤色其文歟”。按熊克中興小紀卷一八：“紹興五年四月甲子二十日道君皇帝崩于五國城，聖壽五十有四^{原注云：「後太}_{后回鑾}，知是此日”。先是道君命隨行王若冲錄北遷事迹。未克成書。丙寅，淵聖申命若冲，以爲先王嘉言善行不可無紀，乃許隨行官吏各具見聞，送若冲編修；仍令蔡倅提點。未幾成書。卽所謂太上道君北狩行錄是也。”是則所以稱蔡倅撰，或稱王若冲撰，或稱蔡，王同撰者，其故自明。惟中興小紀記欽宗命若冲編修作「丙寅」年，恐爲傳本之誤。蓋丙寅乃紹興十六年，而會編卷九九靖康陷虜皇族記中有云：“一，歿故駙馬：蔡倅。一，奉使洪皓見在燕京等處住。是此記撰於蔡倅已死而洪皓在燕京未南歸時也。洪皓之歸在紹興十三年。是紹興十六年蔡倅早已死。故丙寅大抵爲丙辰之誤。丙辰者，紹興六年，卽徽宗崩後之翌年也。

王彥行狀，
李翼行狀

王彥行狀，李翼行狀

兩狀俱續脣撰。脣，宋史無傳。惟據繫年要錄知其爲晉城人見卷四三，紹興初曾充王彥幕屬，時彥方爲金均房州鎮撫使見卷五一，紹興二年二月丁丑條。至李翼行狀會編

引用題吏部員外郎續齋。而繫年要錄卷一七五，紹興二十六年十一月丙申條記事稱其爲吏部郎中；則員外郎或二十五六年間事也。紹興二十七年十二月由右朝請大夫爲潼川路轉運判官見卷一七八甲寅條，三十年十二月知荆南府見卷一八七。會編卷二，三十二年六月充都大主管四川茶馬監牧公事見卷三〇。又宋史王彥傳見卷三，即採自續齋撰行狀。

北征紀實，
國史後補

北征紀實，國史後補

此兩書皆蔡條撰。解題卷五，雜史類：“國史後補五卷，蔡條撰。條，京之愛子。京末年事皆出條。條兄攸既叛父，亦與條不咸。此書大略爲其父自解。其間所載宮闈禁密，非臣庶所得知，亦非臣庶所宜言；既出條筆，事遂傳世，殆非人力也”。又：“北征紀實二卷，蔡條撰。敘伐燕始末。歸罪童貫，蔡攸，亦欲爲京文飾”。按條所著尚有西清詩話三卷，而今尚存者則有鐵圍山叢談六卷。提要錄云：“條字約之，自號百衲居士，興化仙遊人，蔡京季子，官至徽猷閣待制，京敗，流白州以死。宋史附載京傳末見卷四。書中稱高宗爲今上。趙鼎卒於紹興十七年，此書記鼎卒後王趯坐調護鼎罷官過白州見條之事，是南渡後二十餘年尚謫居無恙。所作北征紀實，陳振孫謂其歸罪童貫，蔡攸，爲京文飾；此書所敘亦往往如是。其人雖不足道，以其書論之，亦說部中之佳本”見子部小說家二。按長編紀事本末卷一三二：“實錄本紀云：「京已八十歲，目盲不能書字，子條用事。凡判筆皆條爲之。仍代京禁中奏事。於是肆爲姦利，賞罰無章，黜陟紛紜，貶逐朝士殆無虛日」”此恐源於秀水閒居錄，見會編卷五〇所引用。宋史京傳亦載此，殆即據實錄者也。國史後補一書，據長編紀事本末知李燾長編頗多引用之。書中有所謂官制篇，都邑篇，五行篇，馬政篇，原廟篇，禮制篇，道家者流篇，宮室苑囿篇等，蓋一熟於朝典者也。此書所紀有徽宗內禪事見會編卷二二八，而未有云「是爲淵聖皇帝」。淵聖之稱在高宗卽位之初。是則亦爲流白州以後之作。至北征紀實，據鐵圍山叢談卷二有云：“世但知魯公不主北伐，人或稱公有「百年信誓」之句，且未得其始末，故書其略；他盡見吾頃著北征紀實”京詩亦見會編卷七之首。是又與叢談相先後而成。又卷四，錢城小南街條有云：“此紹興乙亥六月二十有六日也，次年戊寅死”。乙亥爲紹興二十五年，次年則二十六年。若干支無誤，則提要言南渡後二十餘年尚謫居無恙，據此則已三

十年猶在人間也。又卷三有云：“大觀末魯公責宮詞歸浙右，吾時年十四”。據長編紀事本末此事在大觀四年(1110)五月。則紹興二十六年條已六十矣。

北狩聞見錄

北狩聞見錄

提要雜史類：“北狩聞見錄一卷，曹勛撰。勛字功顯，陽翟人。是編首題保信軍承宣使知閣門事兼客省四方館事臣曹勛編次。蓋建炎二年七月初至南京所上。其始於靖康二年二月初七日，則以徽宗之入金營推勛及姜堯臣，徐中立，丁孚四人得在左右也。所記北行之事皆與諸書相出入。末附徽宗軼事四條。紀事大都近實。雖寥寥數頁，實可資史家之考證”。曹勛著述今之尚存者尚有松隱文集三十九卷宋志作四十卷。蓋現。宋史有傳見卷三，云其卒於淳熙元年(1174)。按其集卷三三，題親書金剛經後末言「乾道四年(1168)歲在戊子，時年七十一」，則卒年七十七，而建炎二年南歸時乃三十一歲也。

北記

北記

范仲熊撰。此書唯遂初堂書目著錄見本朝雜史類，亦未言卷數。仲熊史無傳，惟繫年要錄頗載其事迹。乃紹興間名史官范冲之子見卷三一，建炎三年三月己亥條。冲字元長，華陽人，宋史卷四三五有傳。冲又祖禹之子也。仲熊靖康末爲懷州河內縣丞，陷敵得歸見會編卷九九北記。繫年要錄卷二二：“建炎三年四月甲寅，王庭秀論康允之，劉蒙，吏部員外郎范仲熊，吳說之罪。上曰，「仲熊恐不如是」。對曰：「臣不知其他，但在宣和末進用，實出梁師成之門下」。庭秀論以爲與二凶指苗劉之變附以爲亂，繩曆。既而張浚爲之百拜力請。乃除名，柳州編管”。至紹興二年九月乃釋之許自便見卷五。紹興四年十一月敍右承事郎見卷八丙申。紹興十六年七月至行在，汪勃論其不忠。詔令臨安府差人押出界，日後不得至行在見卷一五五丙子。則其人實不容於當時朝議。宋史冲傳未一言及之，蓋非無故也。然繫年要錄卷二一，建炎三年三月辛丑條下小註有「仲熊嘗爲朱熹所取」之語，而李心傳亦不信其附與逆謀，則當時亦不盡皆非之也。又其記中言金將粘罕生於庚申，庚申乃元豐三年(1080)，以金史卷七四粘罕本傳所載薨年算之相差一年，未知孰確。

正隆事迹，金虜圖經

正隆事迹，金虜圖經一名「金

正隆事迹，解題未著錄，金虜圖經則見卷五，僞史類，云：“金國志「國」字當爲後人改

二卷，承事郎張棣撰。淳熙(1174—1189)中歸明人記金國事頗詳”。又：“金國志一卷，不著名氏。似節略張棣書。其末又雜錄金國事宜及海陵以後事”。提要雜史類存目：“正隆事迹一卷，宋張棣撰。棣始末無考，書中但稱歸正官。所記皆金海陵煬王之事。始於初立，終於瓜洲之變，凡十有二年”。又：“金圖經一卷，一名金國志。自京邑至族帳部曲凡十七門。疑即陳氏所稱節本也”。按其所述兩書範圍不出會編所載，而會編所載本非全文，故恐不過爲從會編錄出單行之本耳。繫年要錄引用張棣書，稱金志，又稱金國記，又稱金圖經，恐皆即金虜圖經而清人從永樂大典錄出時改此。其卷一三〇有注云：“張棣金國記世系篇……。按棣所記與他書不同，他書散見之，而棣有世譜甚詳，疑若可信。然用金中文字可見者參究之，則有牴牾。棣以宗慶爲烏奇邁即吳乞買，長子而無宗磐。按金中誅宗磐詔云，「謂爲先帝之元子，常蓄無君之禍心」，則宗磐果烏奇邁長子也。棣以宗本爲尼瑪哈罕即粘，又云烏奇邁姪。按金中誅蕭裕詔云，「晉王宗本，太宗之子」，則宗本非尼瑪哈罕也。尼瑪哈罕死於紹興七年，宗本誅於紹興二十年，相去亦遠。棣以宗儀爲亶所殺。按金中詔本，宗儀與宗本同得罪，乃東昏之時，而非海陵之時。棣亦誤矣”。此則會編所未引用者也。又宋志卷二〇三傳記類：“張棣金亮講和事迹一卷”。此疑即正隆事迹之異名也。

同天錄

回天錄

解題卷七，傳記類：“回天錄一卷，宣教郎秦湛處度撰。記呂好問圍城中事。好問除右丞，誥詞有「回天之力」語，故以名錄。後有好問謝其祖公著復官表及遺表。”湛，宋史無傳，繫年要錄謂爲觀之子，紹興二年由右奉議郎監軍計司添差通判常州，以其爲黨人子而特錄之也見卷五二，二月戊子。呂好問除右丞誥詞亦見會編卷一〇三，其文云：「從容片言，綽有回天之力；險夷一致，益堅衛上之忠」。宋史呂好問傳見卷六二頗多採自此錄。

吳武安保蜀功績記

吳武安保蜀功績記

會編引用此記並載張發原序，序有云：“方其薨也，其長子未冠，而二季尤幼。胡宣撫爲行狀，不詢其子，使二舊吏立供爲之。墓誌又據行狀而言，是以如是之不詳。乾道乙酉（元年，1165）余旣作補遺，志其大者凡數十事，以遺其少子參議，

且類宸翰詔命碑鏤爲一集，目之曰「保蜀忠勤錄」。書成，人喜讀之。薦紳傳道已滿四川。然意尙有遺也。近得明庭傑從政所撰功績記，文實語詳，果有未聞知者。詢其來由。則云，方忠烈用兵，渠在張魏公幕府，親所見聞，宣撫司參議馮康國元通命記其事。是可信也。因鏤之集中，以補遺焉。岐下張發書。明庭傑與張發事迹不詳。序所謂長子卽拱，二季則扶與搆中見記。胡宣撫卽胡世將，字承公，晋陵人，宋史有傳七〇見卷三。所謂墓誌似指王綸所撰之神道碑。保蜀忠勤錄諸家書目俱未之見，惟繫年要錄引用書中有名吳玠傳誌補遺者，稱張同撰六三見卷六三，頗類似。馮康國，遂寧人，本名鑑，宋史卷三七五有傳。

孤臣泣血錄，拾遺

孤臣泣血錄，拾遺

解題卷五，雜史類：“孤臣泣血錄三卷，拾遺一卷，丁特起撰。”會編凡兩言太學生丁特起於圍城上書見卷六六及六八，似亦據泣血錄者。繫年要錄言其爲合肥人見卷一，紹興五年八月自貴州文學特差鼎州龍陽縣尉見卷九。泣血錄及拾遺學津討原與學海類編均載之，題曰靖康紀聞及拾遺，然俱共祇兩卷，亦節文也。提要著錄靖康紀聞拾遺，誤以爲何烈之靖康小史，蓋因通考所題靖康拾遺錄一名類似而致；詳第五章靖康小史條。

征蒙記

征蒙記

解題卷五，僞史類：“征蒙記一卷，金人明威將軍登州刺史李大諒撰。建炎鉅寇之子，隨其父成降金者也；所記家人跳梁，自其全盛時已不能制矣”。成事迹會編頗載之，惟未及其子。金史有成傳見卷七九，亦未及其子。傳言雄州歸信人，會編卷二一五引用一段中作雄州歸義縣；歸義屬涿州，當爲傳鈔誤「信」爲「義」也。成降金仕至正隆間卽紹興末年乃死。會編引用稱僞史官，不知在何時。然記中事及於天德三年，則此記之作必在紹興二十二年之後。

忠愍文集序

忠愍文集序

提要別集類八：“忠愍集三卷，李若水撰。解題載李忠愍集十二卷。南宋時蜀中有鏤本。今原集不傳，茲就永樂大典中所散見者掇拾編次，釐爲三卷。其子淳跋是集云：「紹歸費守樞爲先公作文序」。今費序已佚，惟淳跋僅存”。按費序今幸存於會編，可以補其闕也。繫年要錄言樞乃廣都人，紹興十六年八月自左朝

大夫出知福州見卷一五。宋志卷二〇三傳記類著錄其所撰廉吏傳十卷。

林泉野記

林泉野記

此書原闕撰人，諸家書目未著錄；所記每段一人，爲姚古，徐處仁，張孝純，吳敏，許翰，劉延慶，何凜，耿南仲，耿延禧，范訥，楊惟忠，許景衡，宗澤，王淵，黃潛善，汪伯彥，曲端，權邦彥，呂頤浩，吳玠，王彥，李綱，岳飛，王庶，劉光世，趙鼎，韓世忠，張俊等二十八人，其中張孝純與許翰兩見張見卷五三及一九三。許見卷五六及三。除張孝純，耿延禧，范訥，楊惟忠，權邦彥五人外，餘宋史俱有傳，而此書與史多異。然亦錯誤屢見。至言徐處仁卒年六十六，劉延慶五十九，宗澤七十，呂頤浩六十九，則史所無。

河東逢虜記

河東逢虜記

此乃靖康元年河北東路宣撫司幹辦公事陶某於是年秋冬間兩度被差往河東，記途中見聞。因其中傳本時日有錯誤，致讀來殊不易明。袁本不知此而竟將原文倒置，許本校勘記又循其誤而誤改，遂益加混亂。今依其所行路徑按日編列如下，則其錯誤自明也。

靖康元年八月十二日被差到覃懷。

十三日參李宣撫。

十七日差往河東。

二十八日至介休縣。

九月一日自介休起發，宿孝義縣。

二日至汾州。

四日別張灝（離汾州），晚抵孝義縣。

十日（離孝義）。

十四日至隰州。

十九日晚到平陽府。（按此處傳本誤作十月十九日，而上留駐人「三字下似有脫文」）。

十月某日回至宣撫司。（按此處傳本又誤作十月初八日）。

六日辭。

九日至澤州城下。

十日謁太守高世由。

十七日至平陽府。

二十五日出（平陽府）。

二十八日絳州軍亂。

某月某日至懷州見折宣撫，是日折宣撫往河陽相視河防。

十一月十一日往河陽辭折公，歸。

因傳本九月十九日而誤作「十月十九日」，又因十月六日之前某日誤作「初八」，遂致難讀，而袁本誤改，許本又因其誤而誤也。

秀水閒居錄

秀水閒居錄

解題卷十一，小說家類：“秀水閒居錄三卷，丞相汝南朱勝非藏一撰。寓居宜春時作。秀水者袁州之水名也”。宋志作二卷見卷三〇，恐誤。錄中於蔡京以來諸相幾無不詆，故宋史本傳見卷三謂多其私說。繫年要錄卷一五二：“紹興十四年十一月乙丑十觀文殿大學士提舉臨安府洞霄宮朱勝非薨。勝非與秦檜有隙，奉祠八年，寓居湖州僧舍；及薨，贈三官，爲特進，後謚「忠靖」”。按勝非汝南人而寓居湖州，以其母葬於湖州也。談鑰嘉泰吳興志卷一八，事物雜志烏程縣夢馬堂條有云：“朱勝非紹興四年四月二日其母魯國太夫人楊氏卒，勝非扶護卜地於吳興華嚴山嘉會寺前”。故紹興九年知湖州之制亦云：“矧孝思不遠，時得覲於松楸；而仁政所加，愛不殊於桑梓”見會編卷一九三。至所謂奉祠八年者：考宋史卷二一三宰輔表：“紹興三年四月庚寅五朱勝非以母憂去位。四年九月庚午三十罷右相，聽持餘服，候服闋除觀文殿大學士提舉洞霄宮”。故會編卷一六七有云：紹興五年五月朱勝非免喪，除觀文殿大學士，提舉臨安府洞霄宮”。以五年五月奉祠，至十四年十一月薨，實逾九年。繫年要錄所以言八年者殆除去紹興九年知湖州之一年也。談吳興志卷一四，郡守題名：“朱勝非，紹興九年三月初四日以觀文殿大學士左宣奉大夫，當年十月二十六日提舉臨安府洞霄宮”。雖不足一年亦以一年言之也會編卷一七八八並言勝非於七年八月知宣州。至奉祠後勝非與湖州之關係，談志尚有兩段記事：卷一三，志院：“烏程縣崇因薦福禪院在縣西三十五里華嚴山。舊名嘉會院。本朝紹興十三

年尚書名僕射朱勝非乞於母秦國夫人墳所置功德院，賜今額”。卷一二，墓：“尚書右僕射朱勝非墓，在烏程縣澄靜鄉王村”。綜觀以上所述，則繫年要錄所謂「奉洞八年，寓居湖州僧舍」一語必有據。而解題乃謂秀水閒居錄乃寓居宜春時作，殆不過因「秀水」二字而致耳。此與嘉興府志言「宋時秀州亦稱秀水，建炎中朱勝非節制平江府秀州，著秀水閒居錄」同一誤也。特何以稱「秀水」，則尚未得其故。據其記事中曾及李光之罷政見卷二，光之罷據宋史宰輔表在紹興九年十二月，則此錄至早亦當成於十年；而卷一九九引用一段末云：「八年正月記」，則此錄之草記至少及三年矣。

采石戰勝錄

采石戰勝錄

提要雜史類存目一：“采石戰勝錄一卷，宋員興宗撰。興宗字顯道，仁壽人，未第時讀書九華山，因以自號。用薦除教授，召試，擢著作郎，國史實錄院檢討。乾道中疏劾貴倖，中讒，奉祠去，僑居潤州以終。所著辯言及九華集歲久散佚，近始從永樂大典采摭成帙。惟此書世有傳本。所記乃虞允文督師江上拒金海陵事，大致與史相出入。永樂大典亦載之，題曰「采石大戰始末」，而冠以「九華集」字，蓋其集中之一篇，後人析出，別立此名也。”而雜家類五又云：“辯言一卷，宋員興宗撰。興宗著作載於永樂大典者皆冠以「九華集」字，惟采石戰勝錄及此書不以「九華集」爲冠，疑此二書於集外別行也”。二說恰相反。殆永樂大典既有采石戰勝錄，又有采石大戰始末，而采石戰勝錄原屬別行，大戰始末則載集中，編提要者不出一手，致有此不同之說耶？按九華集乃寶慶三年(1227)其孫所編，後於會編三十餘年，采石戰勝錄之名先集而存在者也。

金國太祖實錄

金國太祖實錄

金史卷六六，完顏勗傳：“勗字勉道，本名烏野，穆宗第五子，好學問，國人呼爲秀才，女直初無文字，及破遼獲契丹，漢人，始通契丹，漢字。完顏希尹乃依倣契丹字製女直字。女直既未有文字，亦未嘗有記錄，故祖宗事皆不載。宗翰好訪問女直老人，多得祖宗遺事。太宗初卽位，復進士舉。而韓昉輩皆在朝廷，文學之士，稍拔擢用之。天會六年建炎二年(1128)詔書求訪祖宗遺事，以備國史，命勗與耶律迪越掌之。勗等採摭遺言舊事，自始祖以下十帝綜爲三卷；凡部族旣曰某部，復曰

某水之某，又曰某鄉某村，以別識之，凡與契丹往來及征伐諸部，其間詐謀詭計，一無所隱，事有詳有略，咸得其實。皇統元年（1141）紹興十一年所撰祖宗實錄成，凡三卷，進入。上焚香立受之。俄同監修國史，進拜平章事。進拜左丞相兼侍中，監修如故。八年（1148）紹興十八年奏上太祖實錄二十卷。海陵篡立，封秦漢國王，領三省，監修如故。正隆二年（1157）紹興二十七年薨，年五十九。撰定女直郡望姓氏譜及他文甚衆”。而熙宗紀云：“皇統八年八月戊戌宗弼進太祖實錄：”殆以當時宗弼爲太師，領三省事，都元帥，位居勗上，故言宗弼進耳。

文國錄

全國文具錄

洪皓撰，皓，宋史卷三七三有傳，其著述今存者有鄱陽集及會編別引用之松漠記聞。傳稱其有文集五十卷及帝王通要，姓氏指南，松漠記聞，金國文具錄等書。惟藝文志著錄者爲春秋紀詠三〇卷見卷二，松漠記聞二卷見卷六，輶軒唱和集三卷原注云：「洪皓與張邵，朱弁所集」見卷二〇九。及洪皓集十卷。與傳所言有不同，而未及此書；疑傳乃據行狀者也。解題著錄亦未及此書。惟遂初堂書目有之見本朝雜史類。據錄中所言及末稱紹興十三年九月記見會編卷二二一，則是初自金歸時所上。會編卷二二一引用松漠記聞首稱「皓有松漠記聞，金國文具錄傳於時」。或傳之未久而佚也。

聞國錄

金國聞見錄

此錄亦題洪皓撰。按會編祇卷一六六有引用，而所引用者全見於今之續松漠記聞。續松漠記聞者乃皓死後其子适於紹興二十六年鳩拾其殘藁著爲編，原附於記聞之後；則金國聞見錄之名恐是後來析出而別改也。

金節要

金虜節要

晁志卷二下僞史類：“金虜節要一卷，一作三卷，陷虜人所上也。記金人初內悔，止紹興十年，共十六年事；頗詳實”。解題卷五，僞史類：“金國節要字乃後人改三卷，右從事郎竇人張匯東卿撰”。繫年要錄卷一三四：“紹興十年正月乙酉九日，初，竇人張匯從父行正守官保州，陷敵不能歸。至是，聞帥府主管漢兒文字蔡松年，蔡靖言敵有渝盟意，遂與燕人王暉，開封劉炎謀，夜自新鄉渡河赴行在上疏言敵情。（有云）：「曩者蓋敵未當殄滅之時，臣雖早歸朝廷，亦無補於聖德。故臣隱身敵中，甘處貧賤十五年者，伺今日之隙也」。疏奏，皆授初品文資。旣而淮西宣撫

使張俊因奏匯充本司准備差遣”。此書疑爲歸後未幾所上。繫年要錄卷一有注云：“女真姓與廟諱同音，今依張匯節要進本例，爲字不成”。廟諱指欽宗之「桓」也。會編卷一九三引用一段有云：“孝純之得還也，時匯正在雲中”。時爲建炎四年。

南都翊戴記

南都翊戴記

此書題朱勝非撰，然據記中語乃他人敍勝非翊戴之功而非自述。卷一〇三引用一段中有云「公命伏弩於要地伺之」，公者指勝非也，爲最顯之證。

南歸錄

南歸錄

解題卷五，雜史類：“南歸錄一卷，直祕閣沈琯撰。記燕山事”。談鑰吳興志卷一七，賢貴事實，德清縣：“沈琯，字次律。父彥明，叔彥聲皆登第。琯少游學，深於春秋，爲文章尚氣節，尤好吟咏。後至燕雲提舉。郭藥師敗，粘罕勢甚熾；士大夫皆束手，琯獨毅然不屈。雖臨以刀刃，終不變。逃歸，詣闕獻策。不用。著南歸錄以摅忠憤。遂還里中，自號柯田山人終老焉。子正度。”

宣和錄

宣和錄

此錄原闕撰人。除會編外，長編及繫年要錄皆曾引用，而繫年要錄又言實錄據之見卷，然諸家書目未見著錄，可異也。書名雖稱「宣和」，據會編則其所記及於徽、欽北遷，據長編紀事本末則又上及崇寧時事，殆言徽宗一代者也。又錄中記圍城時事甚詳，撰者當時似在其中。豈朝士所爲而故隱姓名歟？

建炎中興日曆

建炎中興日曆

汪伯彥撰。其上表云：“備奉紹興三年十月二十三日聖旨，命臣以大元帥府事迹首尾省記”見卷一，而原序又云：“臣往者首尾待罪，今得以奉詔畢慮省記，參以斷編，而以事繫之日，以日繫之月，以月繫之時，以時繫之年。起自靖康元年冬十一月十五日，至於建炎元年夏五月十日；採事撫實，編次成書，分爲五卷，名曰建炎中興日曆。紹興四年四月二十二日上”。玉海卷四七，建炎中興日曆條：“三年十月甲辰詔汪伯彥，董耘，梁揚祖，耿延禧，高世則編類元帥府事蹟，以付史館。用著作虞灑請也。其後悉以書聞。六年四月戊戌朔史館修纂皇帝大元帥府事蹟十卷上之。九年六月汪伯彥上建炎中興日曆五卷最備”。原序謂四年四月上，會編

繫於是年十二月，殆指達於朝之月也。玉海乃云九年六月，宋史本傳亦云：“紹興九年汪伯彥上所著中興日曆五卷。拜檢校少傅，保信軍節度使”。然繫年要錄卷九三有云：“紹興五年九月戊子史館奏乞將宗澤行實與汪伯彥等所編元帥府事迹參照具錄進呈，斷自聖憲，付之史館”。是則當時汪編已上之證，玉海與宋史誤也。

建炎時政記

建炎時政記

會編所採有二：一爲李綱撰，一爲汪伯彥撰。趙希弁讀書附志卷五上雜史類：“建炎時政記三卷，李忠定公綱所編也。自建炎元年五月一日以後至於八月十八日”。玉海卷四八，時政記條：“紹興四年三月十八日詔自建炎元年五月一日至四年四月一日以前時政記，令前宰執省記編類。十月七日簽書樞密胡松年以建炎四年十一月至紹興元年四月時政記六卷上之。詔付史館。五年三月十二日觀文殿大學士李綱進建炎時政記二冊。付史館”。皆未及汪撰。會編引汪撰凡六段，末段見卷一二〇，所記爲建炎三年正月十日事。汪之罷在是年二月，是則罷前一月事也。

建炎復辟記

建炎復辟記

提要雜史類存目一：“建炎復辟記一卷，不著撰人名氏。解題亦不知爲何人作，但稱其敍苗，劉事始末，文頗繁冗，末敍世忠戰功特詳，疑卽韓氏客所爲。理或然歟”。按繫年要錄引用有兩復辟記：一爲朱勝非撰，一爲張浚撰俱見卷二。苗，劉之變，會編引用秀水閒居錄及建炎復辟記；而閒居錄甚長，佔兩卷，或卽朱撰復辟記而附於閒居錄者也。至其下所題復辟記未知誰撰。宋志有張浚建炎復辟平江實錄一卷見卷二〇，當卽繫年要錄所引用。

建炎通問錄

建炎通問錄

解題卷五，雜史類：“建炎通問錄一卷，宣教郎傅雱撰。建炎初李丞相綱所進”。提要雜史類存目一：“建炎通問錄一卷，傅雱撰。雱始末未詳。考繫年要錄載建炎元年六月宣議郎傅雱特遷宣教郎，充大金通問使。此錄卽所述奉使之事。書終以館伴李侗之語，其文未畢。北盟會編一百十卷所載闕處亦同，蓋後人從徐氏書中錄出也”。據繫年要錄，雱爲清江人見建炎元年五月，奉使歸後，於建炎三年七月以考功員外郎主管機宜文字隨張浚入陝見卷二十五，建炎四年三月權湖北制置使見卷三二。

後以孔彥舟叛，坐久在彥舟軍中，責監興化軍商稅；至紹興二年八月停官，英州羈管見卷五七。流竄幾七年，至紹興九年正月乃許自便見卷一。紹興二十六年正月自左朝散大夫遷知韶州見卷一，二十七年五月罷見卷一。二十八年十月卒見卷一〇。

皇太后回鑾事實

皇太后回鑾事實

此書原序有云：“起自建炎丁未迎請之初，訖於紹興壬戌還御慈寧之始，以年月次之，分爲十冊。紹興二十六年冬十月十八日左宣奉大夫守尚書右僕射同中書門下平章事万俟卽謹序”。提要雜史類存目一著錄作一卷，恐亦不過從會編錄出者耳。又云：“紹興十二年宣和太后至自金，高宗新爲參知政事，紀事頌功”。蓋未見原序也。万俟卽宋史入姦臣傳，見卷四七四。

种師道行狀

种師道行狀

折彥質撰。宋史卷二五三折可適傳附克行傳末言彥質爲可適子，別有傳。然實無之，或漏，或刪去也。繫年要錄亦云爲可適子見卷五五，而會編卷五九，河東逢虜記有注謂其字仲古，遵正子；或遵正爲可適字也。彥質史雖無傳，會編與繫年要錄載其事迹均頗詳。紹興三十年八月卒於潭州見繫年要錄卷一八五。

茆齋自敍

茆齋自敍

馬擴撰。擴，政之子，熙州狄道縣人。史無傳，此書亦早不傳。而實際上其人與書皆於時代有相當重要關係。幸而會編與繫年要錄均詳載其事迹，而自敍會編所引亦二十餘段長編紀事本末亦有數段，可供研究。今將會編與繫年要錄所載擴事迹之卷數列於下：

會編卷數（其下爲許本頁數）。

6/8 7/7 9/10 12/4 13/5 17/11 19/2 19/13 19/14 22/3 22/3
22/5 23/2 32/1 57/5 90/10 115/13 116/4 118/12 123/8 155/5
164/7 105/4 165/6 168/13 169/1 184/5 194/1。

繫年要錄卷數（下爲蕭氏刊本頁數）

4/13 13/13 15/9 18/4 21/1 21/38 22/11 43/2 49/10 51/4 62/3
68/13 81/4 81/9 83/7 88/7 99/11 101/5 103/4 109/4 119/17
121/11 122/1 129/4 140/8 162/27。

繫年要錄卷一二一有云：“紹興八年八月甲子趙鼎奏，馬擴將到奉使錄，記海上之盟，約金人夾攻事”。所謂奉使錄或即自敍歟？

唐重墓誌，
朱勝非行狀

唐重墓誌，朱勝非行狀

唐重墓誌，劉岑撰。岑，宋史無傳。惟景定建康志有之，見卷四九儒雅傳，有云：“劉岑字季高，本吳興人，後遷居溧陽。乾道三年卒，年八十一。官至左朝散大夫。先世葬烏程之杼山，故號杼山居士”。據繫年要錄岑爲熙寧初侍御史述之曾孫。歷官頗久，在外曾知池州，鎮江府，潭州，信州，秦州，揚州，襄陽府等；在內亦歷工，戶，刑，吏部侍郎。至會編引用唐重墓誌，稱爲修撰，則當屬紹興四年至七年間事。其與唐重之關係，則重之帥永興爲岑所薦。蓋靖康末岑以參議官隨聶昌出使河東，聶爲絳人所殺；岑走陝西。重時方守同州，遇金人攻同，重禦却之。岑歸行在，帝以其自陝西來，問誰可永興帥，因薦重也。又據談鑰吳興志，岑爲宣和六年進士。至朱勝非行狀會編引用未題撰人，然據宋志則亦岑撰也見卷二

二〇三，傳記。
類。作一卷。

紹興正論

紹興正論

趙附志卷五上，雜史類：“紹興正論一卷，編錄秦檜當國，羅織諸賢，或死於市朝，或死於囹圄，或死於貶所，或流落於魑魅之區，累赦不移，或棲遲於林泉之下，屏跡不出者一百一十八人姓名，與其獲罪之因。但云瀟湘樵夫序，不知其爲誰也”。解題著錄作二卷見卷五，宋志同，趙附志亦作一卷，而曰紹興名臣正論見卷二○三傳記。惟提要傳記類存目三云：“紹興正論一卷，舊本題湘山樵夫撰，敍列張浚，趙鼎，胡詮（等）三十人，皆以不附和議而貶謫者。每人之下略具事實，少者一二語，多亦不過三四行。解題書名及撰人號皆大同小異，卷數亦不相符；故莫得而詳矣”。按提要所舉書名，撰人，內容及被貶者姓名完全與會編同，其爲從會編錄出之本無疑。會編原爲節文，「湘山」與「瀟湘」未知孰正，卷數則解題與趙附志亦異，至提要之卷數不過錄出者撰造耳。

紹興甲寅
通和錄

紹興甲寅通和錄

提要雜史類存目一：“紹興甲寅通和錄一卷，宋王繪撰。紹興八年和議未成，遣魏良臣如金，王繪副之。是時金軍壓境，朱勝非尙主和議，趙鼎頗不以爲然。

良臣等行至天長，僅達國書而還。繪因備錄其事，蓋鄙勝非等之無謀也。繪父名仲通，宣和中爲平海軍承宣使，以書抵蔡攸，力言用兵有十不可。其事附載卷末”。按此當亦從會編錄出者。繫年要錄卷四六：“紹興三年四月壬子武德郎王繪爲閣門宣贊舍人，添差紹興府兵馬鈐轄。繪，仲通子也。上以其父使金不屈而死，故錄之”。其下注云：“仲通靖康末以拱衛大夫平海軍承宣使死燕山”。仲通死事會編及宋史均未載。

朝野僉言，朝野僉言後序

朝野僉言，朝野僉言後序

解題卷五雜史類：“朝野僉言二卷，不著名氏，有序，建炎元年八月。繫年要錄稱夏少曾，未詳何人”。會編卷七〇，中興遺史記靖康城陷劉延慶父子斬關出奔事有云：“朝野僉言之書載其事甚明，至延慶子光世統兵，好事者詔奉之，乃改朝野僉言。後人覽朝野僉言當求舊本”。陳規有朝野僉言後序見會編卷一三九，首云：“規守順易日得靖康朝野僉言載金人攻城始末”。規字元則，會編頗載其事迹，云沂州人；宋史卷三七七亦有傳，作密州安丘人，有云：“乾道八年(1172)詔刻規德安守城錄頒天下”。提要兵家類：“守城錄四卷，宋陳規在德安禦寇事蹟也。是書凡三種：首爲規所撰朝野僉言後序，次曰守城機要，亦規所作，次曰建炎德安守禦錄，乃湯璣所作”。

痛定
錄

痛定錄

解題卷五雜史類：“痛定錄一卷，不著名氏”。會編題呂本中撰。本中字居仁，宋史卷三七六有傳，著述今存者尚不少，惟此錄不傳。會編卷一〇六孫覲辭中書舍人狀有云：“始則蔡攸黨人呂本中之流作爲痛定等錄，文奸言以佐其父，又崇飾惡語以併中臣”。其爲本中撰無疑。

欽宗
實錄

欽宗實錄

洪邁撰。邁字景盧，皓季子，宋史卷三七三有傳。著述甚富。解題著錄者有四朝國史三五〇卷，欽宗實錄四〇卷，以上見，會稽和買事宜錄七卷_{見卷五}，容齋隨筆共七四卷_{見卷一〇}，夷堅志四二〇卷_{見卷一一}，宋志祇有，經子法語二四卷，左傳法語六卷，史記法語一八卷_{宋志作八卷}，西漢法語二〇卷，後漢精語一六卷，三國精語六卷_{宋志作一}，晉書精語五卷，南史精語一〇卷_{宋志作六卷}。自經子，唐人絕句詩集一〇〇卷法語至此俱見卷一四。

卷，瓊野錄一卷以上見卷一五，野處類藁二卷見卷一八。宋志作。宋志於此外尚有次李翰蒙求二卷見二〇二，節資治通鑑一五〇卷，太祖太宗本紀三五卷，四朝史紀三〇卷，四朝列傳一三五卷按兩書當即四朝國史一部分，見卷二〇三編年類。，記紹興以來所見二卷見卷二三更，集哲宗實訓六〇卷見卷二〇三故事類，皇族登科題名一卷，贅藁二八卷，詞科進卷六卷，蘇黃押韻三二卷以上見卷二三傳記類，唐書精語一卷卷二〇七及三洪制稿六二卷見卷二九。然今之存者僅史記法語八卷，容齋隨筆共七四卷，經子法語二四卷，夷堅支志五〇卷，野處類藁二卷，唐人絕句詩九一卷及容齋詩話六卷而已。解題云：“欽宗實錄，乾道四年(1168)修撰洪邁等進”見起居注類。玉海卷四八徽欽實錄條：“乾道二年十一月起居舍人洪邁奏，欽宗日曆已成，宜修纂。十二月詔更進呈。因龔茂良所補日曆而修。四年四月上欽宗實錄四十卷，并帝紀”。李心傳評此書謂「文直而事核」見朝野雜記。甲集卷四。

順昌破賊錄

順昌破賊錄

會編卷二〇一引用作「順昌戰勝破賊錄」，楊汝翼撰。解題卷七傳記類著錄作一卷，而云「不著名氏」。提要雜史類存目一：“順昌戰勝錄一卷，宋楊汝翼撰。紹興十年順昌之戰，汝翼適在軍中，因紀其事。末附順昌倅汪若海劄子，所言亦大概略同”。按解題當時已闕姓名，且汪若海劄子恐原未必附於此錄，故疑此亦不過從會編錄出者耳。

燭王江上錄

燭王江上錄

提要雜史類存目一：“燭王江上錄一卷，不著撰人名氏，敍宋內侍梁漢臣爲金人所得，謀欲弱金事。所載漢臣勸金主都燕山，營汴梁，開海口，進兵采石，退至瓜洲爲其下所害諸事，皆首尾畢具。觀其燭王之稱，當爲金人所撰。故虞允文拒守之事略不一言也”。按此書解題未著錄，疑亦不過從會編錄出。「燭王」金史作「燭王」。提要疑爲金人撰，非，蓋文首稱「梁漢臣陷虜」，而文中稱「虜主」及「虜」者甚多也。至虞允文拒守事亦具載其中，或提要所言乃刪改本。

靖康小雅

靖康小雅

提要傳記類存目三：“靖康小雅一卷，不著撰人名氏。錄靖康死事之臣傳察，种師中，王稟，劉翊，种師道，何慶彥，黃經臣，劉韜，李若水，徐揆，孫傅，張叔

夜凡十二人；宗澤，張慤扼於黃潛善，汪伯彥而死者亦附焉。澤傳中稱潛善卒不遇死而令公卒，則此書作於汪，黃秉政之日矣。傳末各系以四言詩，故以「小雅」爲名。其文散見北盟會編中，此本次序似以徐夢莘所載鈔合之，非完書也”。按提要疑以會編鈔合，是也。何以言之？蓋會編所引此書凡十五段，每段一人其中劉基見卷七五，而傳本誤作「靖康小錄」，提要所舉祇十四人，所闕者爲秦檜見卷二。此段首稱「公諱檜」，蓋以爲其北去已死難也。檜之歸在建炎四年九月十月之間會編作九月，宋史作十月，由此可知此書作於建炎四年九十月之前。而於宗澤傳見卷一詩中稱汪，黃爲二賊，又張慤傳見卷一中有云：「建炎三年夏上自杭州幸建康，過公墓」，是則作於三年夏之後而四年九十月之前也。汪，黃之罷在三年二月二十日，提要謂作於汪，黃秉政之日，非也；又「潛善卒不遇死」語見慤傳，非澤傳。提要所言之本所以闕秦檜，決非偶然，諱言之耳；故爲從會編錄出無疑。

靖康陷虜
皇族記

靖康陷虜皇族記

繁年要錄引用此作「靖康陷金皇族數」，「金」字當爲清人從永樂大典錄出時所改，所不同者爲「數」字。繁年要錄卷二注言「似是紹興十二年太母南歸日隨行內侍所具」，卷一三四又有注云：「亂華編有靖康陷敵皇族數」，亦清人改「敵」字，似是顯仁皇后歸日從行內侍所具。解題言「亂華編三十三卷，知盱眙軍東平劉荀子卿編」見卷五雜史類，未知會編是否採自此書。李氏以爲紹興十二年從行南歸內侍所具，按其內容考之，殆然。蓋其中有云：“一，歿故公主：柔福誤作「德」。一，奉使洪皓見在燕京等處居住”。是作於柔福已歿而洪皓在燕未歸之時。按當時有所謂僞柔福帝姬案，宋史卷二四八公主傳曾載之而不詳。據繁年要錄卷二九：“建炎三年十一月戊午賊劉忠犯蘄州，韓世清破之。先是東京乾明寺尼法靜嘗僞稱柔福帝姬，同知大宗正事仲的聞而迎之。會仲的死。法靜爲忠黨所掠。世清得之。法靜自言已上皇季女，小字環環，其母小王婕妤也。世清疑焉，卽坐之堂上，與守臣甄采等朝服隔簾問其故。法靜自言脫難之因，且及往時宮閣間事此亦見會編卷一三，惟所載略異。世清信之，遂以聞於朝。采與世清率所部護帝姬自江西赴行在”。卷三六：“建炎四年八月戊寅，初，知蘄州甄采從韓世清衛送帝姬赴行在。時上猶在溫，台先遣入內侍省押班馮益，宗婦吳心兒往越州驗視。乃取入宮，封福國長公主”。

卷一四六：“紹興十二年九月甲寅，詔僞福國長公主李善靜決重杖處死。初，皇太后既還宮，內人楊氏告其詐妄。詔殿中侍御史江邈，大理卿周三畏治之。內侍右武大夫相州觀察使李愕宋史作李憲亦自北還，言柔福帝姬在五國城適徐還而死原注云：紹興十一年五月。還父武功大夫榮州團練使中立訴於朝。於是善靜具伏，開封人，少居乾明寺，以試經爲尼，初爲金人所掠，有內人張喜兒者言善靜貌似柔福帝姬，卽僞稱之，後恐事覺，脫身走河陽，三鬻身於人，同知大宗正事仲的聞而迎之，至鄧陽復爲劉忠所掠，然後入韓世清軍中，自受封以來所得俸賜，凡爲贓四十八萬緡。法當絞，詔處死。馮益，吳心兒坐驗視失實，益除名送昭州，心兒千里外州，並編管。駙馬都尉高世榮所授官仍追奪。初善靜賜第漾沙坑坡下，驕蹇自恣，積穀婢妾甚衆，皆埋第中。尋以益與皇太后連姻，心兒宗室婦，免編管”。又卷一四〇云：“紹興十一年五月己亥，是日柔福帝姬薨於五國城原注云：此據僞”。此案雖頗有可疑之點，然當時要作柔福死於紹興十一年五月。至洪皓之歸，據會編卷二二二張邵行實在紹興十三年六月。而顯仁之歸卽在介於其間之紹興十二年。其中所記諸人及諸事亦非親近不能知。故謂李氏之言殆然。又此記所述可與宋史等參照而知當時北遷皇族之概況。今試爲表列於下：

第一先從神宗之子始。神宗十四子，靖康時存者祇第十一子徽宗，第十二子燕王僕及第十四子越王偲；故徽宗外，北遷者二人。

<u>徽宗</u>	紹興五年四月甲子二十日崩于五國城 <small>據本紀。金史。據陷虜皇族記以下簡稱</small> ，北遷後生二男： <u>頑使</u> ， <u>狄才</u> 入 <u>韓州</u> 生，見在； <u>鐵使</u> ， <u>閻婉容</u> <small>五國生，見在。</small>
<u>僕王</u>	<u>宋史</u> 本傳 <small>以下簡稱</small> ：至 <u>慶源</u> 境上乏食薨 <small>記云趙州，一也。曹助北狩聞見錄：燕王途中以乏食薨，殮以馬槽，猶露。</small> 雙足，就寨焚化。
<u>偲王</u>	傳：至 <u>韓州</u> 而薨。

徽宗后妃。據傳當時存者祇鄭皇后，韋賢妃及喬貴妃；惟據記則尚有七人。

<u>鄭皇后</u>	傳：北遷爲五年，崩于五國城，年五十二。
<u>韋賢妃</u>	傳：紹興十二年四月次 <u>燕山</u> ，八月回至 <u>臨安</u> 。

- 喬貴妃 傳：北遷。韋妃還，大慟而別。
- 崔貴妃 記：見在。按宋史劉貴妃傳中有崔妃，後人不知是否同一人。
- 大王婕妤 記：見在。
- 小王婕妤 記：見在。
- 狄才人 記：見在。
- 喬婕妤 記：見在。按記未及喬貴妃，而有喬婕妤，或即一人。
- 王貴妃 記：歿故。
- 閻婉容 記：歿故。

徽宗三十一子。據宗室傳檉，楫，材，祺，椿，機六王早薨；而世系表謂朴，樞不知所終，樸薨於青城，餘皆北遷。則高宗外計二十一人。

- 欽宗 金史：正隆元年紹興十六年六月庚辰日趙桓薨。本紀：紹興三十一年帝崩問至。
- 楷鄆王 記：韓州歿。男成文，見在。
- 樞肅王 記：五國歿。男成規，見在。
- 相景王 記：見在。男成章，見在。
- 翊濟王 記：見在。男成式，見在。
- 械益王 記及傳皆缺載。
- 模祁王 記：五國歿。男成範，見在。
- 植莘王 記：見在。男成之，見在。
- 棣徐王 記：見在。
- 柺沂王 記：五國歿。傳：與駙馬劉文彥告上皇左右謀變。金人誅之。事在紹興三年六月，詳會編卷二十一北狩行錄。
- 栻和王 記：歿故。女嫁王遵道男令安，已到行在。傳：有遺女一人，適杜安石。
- 棟信王 記：五國歿。女四人。傳：北行至慶源亡匿真定境。時馬擴聚兵保五馬山砦，迎奉以爲主。棟遣擴詣行在。金人攻砦，陷，棟亡不

知所知。或曰，後與上皇同居五國城事詳本傳及會編卷一至一七。

桓安康王

記：見在。一女，見在。

廣平捷郡王

記：見在。一女，見在。

樞相國公

記：見在。一男，一女，見在。

樞瀛國公

記：五國歿。

樞嘉國公

記：五國歿。

樞溫國公

記：見在。一女。

樞儀國公

記：見在。一男，見在。

樞昌國公

記：五國歿。

樞潤國公

記及傳均缺載。

徽宗三十四女。據傳順淑，壽淑，惠淑，安淑，康淑，榮淑，保淑，悼穆，熙淑，敦淑，申福，保福，賢福，仁福十四人早亡。崇福宣和二年已薨，恭福生纔周晬，金人不知，故不行。是北遷者計十八人。

嘉德 傳：嫁曹叡。記：曹叡歿故。嫁宋國王。上京歿。

崇德 傳：嫁曹晟。記：曹晟歿故。嫁習古國王，已死，見在大金皇后後位居住。

安德 傳：嫁宋邦光。記：歿故。

茂德 傳：嫁蔡暉。記未言存歿。

成德 傳：嫁向子房。記未言存歿。

顯德 傳：嫁劉文彥。記：歿故。

順德 傳：嫁向子辰。記：歿故。

柔福 記：歿故。傳：內侍李揆自北還，言柔福在五國城適徐還而薨。薨在紹興十一年。從梓宮來者以其骨至。葬之。

寧福 記：見在。嫁陳王，已死。其子見在冷山居住。

和福 記未言存歿。

永福 記未言存歿。

三朝北盟會編考

- 令福 記：歿故。
華福 記：歿故。
慶福 記未言存歿。
儀福 記未言存歿。
純福 記：見在。 尚醫官王宗泗男昌遠。

此外尚有小公主記云：見在。 尚藥官成良男敦復。

駙馬。 據傳崇德帝姬已於宣和二年薨，駙馬曹湜記未載，北遷當未從行。 餘計八人。

- 曹蕡 記：歿故。
曹晟 傳：至燕京卒。
宋邦光 記：見在。
蔡肇 記：歿故。
向子房 記：見在。
.田丕 記：歿故。
劉文彥 記：歿故參照沂
王搘條。
向子辰 記：見在。

欽宗后妃。

- 朱皇后 傳：北遷，不知崩聞。
鄭才人 見記注中，但未言存歿。
狄才人 見記注中，但未言存歿。

欽宗子。

- 謹太子 傳：政和七年生。 記：見居五國城。 尚有小大王訓，傳云：生于五國城。 記：見居五國城。 鄭才人生。 記又云：大公主，二公主，各年幼。

高宗后

邢皇后 傳：紹興九年崩于五國城，年三十四。

徽宗兄吳王佖子。據世系表佖三子。長有恪已故，追封華原郡公，次和義郡王有奕，次安遠軍節度使有常；但記祇言有奕。

有奕 記：棟華宅親王。見在。

徽宗弟燕王僕子。據世系表僕三子：長興寧軍節度使有章，次有麟已故，追封博平侯，次有成亦已故，追封文安侯；然據記則尚有二子。

有章 記：燕五節使。見在。

有思 記：燕五節使。見在。

有亮 記：燕五觀察。見在。

徽宗弟楚王似子。

有恭 記：寧郡王。世系表作永寧郡王。見在。

徽宗弟越王偲子。據世系表偲三子：長有儀已故，追封河內侯，次有忠，遂安軍節度使，次有德，右驍騎將軍。

有忠 記：越五節使。見在。

有德 記：越五觀察。見在。

其餘宗室之見於記，傳及他書者如下。

仲理 據北狩行錄及燕雲錄，爲嗣濮王，是時已故。

孝騫 據北狩行錄，爲晉康郡王，已故。惟本傳未言其北遷。

安規 記：孝騫男，見在。

仲暑 據北狩行錄。

子砥	據 <u>燕雲錄</u> ，管押經板北行。戊申建炎二年四月自 <u>燕山</u> 南遁。八月抵行在。
士晤	傳：北遷，次 <u>洛州</u> 遁還。
士晴	傳：北遷，乘間變姓名，落髮，衣僧衣行抵 <u>會稽</u> 。
士圃	不 <u>意</u> 傳：父 <u>士圃</u> 從上皇北遷。
士說	汝述傳：曾祖 <u>士說</u> ，從北遷，臨河罵敵而死。
士稱	據記。
公繪	據記。
仲慕	據記。
仲塽	據記。

此外會編卷七九靖康要盟錄亦曾列北遷皇族名，但未可靠；如云：“五王宮則燕王惲，越王惲，吳王惲，和義郡王偉，永寧郡王儀”，燕，越既誤名，據世系表，惲崇寧五年已薨，有儀王偉早亡，而無所謂和義郡王偉及永寧郡王儀者。其錯誤如此，故未據之。

裔夷謀
夏錄

裔夷謀夏錄

書目云：“一作金人請盟叛盟本末”。汪藻撰。藻字彥章，德興人，以文名於時；今尚存其浮溪集三十六卷。解題作六十卷。蓋四庫，四庫著錄，推爲南渡後詞臣冠冕。卒於紹興二十四年。 賈夷謀夏錄晁志作金人背盟錄，云：金人背盟錄一卷，汪藻編，記金人叛契丹，迄於宣和乙巳犯京城；多採北遼遺事，即亡遼。解題見前 見卷五，玉海亦作七卷四七，宋志兩著錄，一作二卷，一作三卷二〇三。俱見卷 長編紀事本末簡稱爲金盟本末。據本末尚有青唐錄三卷，乃記崇寧，大觀間熙河之役。然其重要史著當推元符庚辰以來詔旨一書。繫年要錄卷六〇有云：“藻嘗於經筵面奏，乞命史官纂述三朝日曆。會朝廷多事，未克行。比出守湖州，不被寇，元符後所受御筆手詔賞功罰罪等事皆全；藻因以爲張本，又訪諸故家士大夫以足之，凡六年乃成”。卷一二三又云：“紹興八年十一月丁未汪藻上所編元符庚辰至宣和乙巳詔旨終篇凡六百六十五卷”。又朝野雜記甲集卷四：“其書凡八百

六十五卷，其后修徽錄，史官多仰之”見徽欽條。卷數不同。然玉海亦作八百六十五卷，宋史本傳又作六百六十五。未知孰正也。其次有現存之靖康要錄十六卷，解題著錄作五卷，不知作者見卷五史類。提要著錄亦不知作者見史部編年類。據近出之宋會要稿乃知此書亦爲藻所編見職官一之六七。提要言「決非草野之士不睹國史日曆者所能作」，良是；但又謂「必實錄既成之後好事者撮其大綱以成此編」則恰相反，蓋洪邁之修欽宗實錄嘗參考此也。

陷燕錄

陷燕錄

書目作陷燕記。繁年要錄引用亦稱記見卷一。解題卷五雜史類：“陷燕記一卷，賈子莊撰，記燕山初陷事。子莊不知其名，蔡靖客也”。書名既同，所記亦同一事，特會編作許採，此作賈子莊。繁年要錄既引用許採之陷燕記，亦引用賈子莊之陷燕記卷一，則顯爲兩書也。據會編卷二四沈琯南歸錄知採乃蔡靖之妻兄。

僞豫傳

僞豫傳

解題卷七傳記類：“逆臣劉豫傳一卷，楊堯弼等撰。前錄（二楊歸朝錄）題銜稱宣義郎，迪功郎，並爲大總管府官屬，此傳堯弼爲右從事郎，載爲右迪功郎”。提要傳記類存目：“僞豫傳一卷。宋楊克弼撰，述劉豫降金僭號始末。傳中載豫阜昌八年遣宣義郎楊克弼乞師大金，克弼他辭；是克弼亦嘗仕豫，豫廢後乃歸宋耳。解題作逆臣劉豫傳，楊堯弼，楊載等撰，與此本不同，「克」，「堯」字形相似，未知孰是”。按楊堯弼事已見第五章，其爲「堯」而非「克」，可無疑；解題疑題銜不同，殆一則金時之稱，一則歸宋後之作。至提要所言，又顯爲從會編錄出之本耳。

避戎夜話

避戎夜話

提要雜史類存目一：“避戎夜話一卷。宋石茂良撰。按解題載茂良字太初，其爵里則振孫亦未詳，無可考也。是編載靖康元年十一月金人陷汴京事，其中多言都統制姚友仲守禦東南兩壁之功，欽宗本紀頗采用之”。按茂良爲吳興人，建炎二年進士，見談鑰吳興志。會編卷一四六秀水閒居錄有云：“京師失守，徽宗，淵聖，皇族近屬皆詣虜營。虜中亦議取后。淵聖因遣人入城取物，紙尾批處辭與徐秉哲云：「趙氏注孟子，相度分付」！”其下注云：“邦昌請后入宮詔云「遵少帝

之玉音」，湖州士人石茂良在圍城居將官姚友仲家，嘗親見批字”。據會編姚友仲於城破時爲亂兵所殺，而此批在城破之後，故此注實可疑；然謂茂良在圍城居姚家則當非無據也。

攬轡錄

攬轡錄

趙附志卷五上，地理類：“攬轡錄二卷。范成大乾道六年(1170)以資政殿大學士與崇信軍節度使康渭爲奉使大金國信使副，其往返地理日記也。成大字致能，吳縣人，紹興二十四年進士”。解題卷七傳記類著錄作一卷，宋志亦作一卷。此次奉使事，宋史本傳頗載之。據孝宗紀則是年閏五月使，至九月歸。成大著述今之存者有石湖詩集三十四卷，驥鷲錄一卷，吳船錄二卷，桂海虞衡志一卷，范村梅譜一卷，菊譜一卷及吳郡志五十卷。

十 宋金史帝紀會編舉異

作舉異原因

會編所舉綱目，其時日與宋史帝紀頗多不同。余嘗以建炎以來之異者與繫年要錄驗對，則宋史殆全與繫年要錄合。此蓋因兩書均以國史，實錄爲根據也。高宗實錄成書後於會編而曾參考會編；繫年要錄更後於實錄，既根據實錄而又復參考會編，則關於時日之審訂自當較會編爲確。然不能因此遂即信會編爲盡誤，而先有待於考證也。

時日之外，會編所舉綱目事亦有與宋史帝紀異其辭者；其關於金之部分與金史帝紀亦常不同。真偽亦有待於辨證。因此余將會編所舉綱目自第一卷起凡與宋，金史帝紀異者條舉之以供研究。

傳本干支日月多誤

然在未作舉異之先有當述者。蓋會編傳鈔本於干支日月頗多闕誤，其中間有一二又爲原本偶誤者。此當先整理者也。許本於鈔本所有之闕誤外又增若干。袁本則間曾改正鈔本之一二。今於許本爲一正誤表如下。蓋正許本即兼正鈔本也。

許本干支日月正誤表

許本會編綱目干支日月正誤表

卷頁數	誤	正
2/11	九月二十九日戊午	九月二十九日戊申

2/11	閏九月九日戊辰	(是月九日戊午。) (十九日戊辰。)
5/2	十一月	(當作「宣和四年正」) (月十四日甲戌)
5/3	宣和四年三月十七日	(上既改「宣和四」 年, 則此處當刪)
7/5	二十九日	二十九日丙戌
9/8	十三日	十三日己巳
18/10	九月六日乙卯	(是月五日乙卯, 六日丙辰。) (鈔本作乙巳。是月無乙巳)
19/4	閏三月庚辰	閏三月三日庚辰
19/5	二十一日戊申	二十一日戊辰
19/7	九月癸丑	九日癸丑
19/12	九月十八日壬戌	(是月無壬戌。鈔本作「壬」) (辰王辰爲九月十九日)
19/12	二十六日庚午	(九月無庚午。鈔本作「二十七」 日庚午) 則屬十月。但此上未 題十)
22/1	五月五日乙巳	(是月無乙巳。六月五日) (爲乙巳。五月當作六月)
22/2	六月六日丙子	(若前條爲六月, 則此) (六月二字當刪)
22/3	是日	(「日」當爲誤) (「月」二字之譌)
36/6	九月乙巳	九日乙巳
45/3	六日壬辰	六日壬寅
47/4	九月甲戌	九日甲戌
51/1	八月三日乙未	(是月二日乙未, (三日丙申)
54/4	九月壬申	九日壬申
57/1	二日甲午	十月二日甲午
66/7	五月丙申	五日丙甲
70/1	(卷首)盡二十日辛酉	盡三十日辛酉
74/5	七月丁酉	七日丁酉
79/1	(卷首)盡十一月辛未	盡十一日辛未
81/1	十一日甲戌	十四日甲戌
83/10	二日癸巳	三日癸巳

95/14	二十八日丁酉	二十八日丁亥
113/5	二十五日丁丑	二十日丁丑
115/8	二月二日丁巳	(當作「二月 三日丁巳」)
115/9	三日戊午	(當作「四日 戊午」)
115/9	十八日癸酉	(當作「十九日 癸酉」)
115/10	十九日甲戌	(當作「二十日 甲戌」)
117/3	七月十一日丁亥	(是月五日丁亥， 十一日癸巳)
120/3	十六日	十六日乙未
132/1	(卷首)八月十四日庚寅	閏八月十四日庚寅
132/4	二十四日庚午	二十四日庚子
135/5	八日戊午	八日壬午
136/2	十四日辛巳	十四日丁巳
136/4	十八日	十八日辛酉
136/4	二十日	二十日癸亥
141/1	起炎興四年	起建炎四年
141/8	七月丁丑	七日丁丑
142/2	七日	七日丙午
143/2	十三日癸未	(是月十三日壬午， 十四日癸未)
149/6	二十二日乙亥	二十二日乙酉
161/2	二十四日庚午	(此條應置161/4十九日乙丑條之後)
165/1	(卷首)十四日乙未	十四日己未
165/5	十三日丙戌	(是月十二日丙戌， 十三日丁亥)
165/6	二十日癸巳	(是月十九日癸巳， 二十日甲午)
165/9	三十日癸卯	(是月二十九日癸卯， 三十日甲辰)
167/3	四月戊申	四月五日戊申(同日宋史本紀， 有同様記事)
169/7	十八日丙寅	十八日丙辰
177/2	二十八日庚子	(疑當作「二月八日庚子」)

200/4	庚辰	七日庚辰
202/1	(卷首)十七日庚寅	十八日庚寅
202/8	閏六月十八日庚寅	(「閏六月」三字衍)
203/1	(卷首)十七日庚寅	十八日庚寅
204/4	七月二日癸卯	七月一日癸卯(同日宋史有) 同様記事
204/4	六日丁未	五日丁未
204/5	八日己酉	七日己酉(同日宋史有) 同様記事
204/5	十日辛亥	九日辛亥
204/5	十四日乙卯	十三日乙卯(同日宋史有) 同様記事
204/5	十九日庚申	十八日庚申
204/6	二十一日壬戌	二十日壬戌
206/6	八月二日戊辰	(是月二日丁卯，三日戊辰。) 證以下文甲戌條；當作三日
206/6	八日甲戌	九日甲戌(同日宋史有) 同様記事
206/9	九日甲辰	九月九日甲辰
206/9	十日丁巳	(據此條下之記事，) 當是二十二日丁巳
206/10	十月乙亥	十日乙亥
208/7	三月一日丁未	(是月一日甲午，) 十四日丁未
208/7	十三日壬子	(是月十三日丙午，) 十九日壬子
208/8	五月三日	五月三日乙未
211/1	(卷首)起八月十日庚午盡其日	(卷中有三十三日癸未，) 此處不當曰「盡其日」
212/1	(卷首)起八月十四日庚午	(前卷已有二十三日癸未) 此卷不應起二十三日前
215/1	(卷首)盡其日	盡其月
219/3	十四日丁丑	(是月十四日乙丑) 二十六日丁丑
219/8	十月初八日壬子	十月八日壬午
221/1	(卷首)五月二十四日壬子	五月二十四日甲子
221/19	五月二十四日壬子	五月二十四日甲子
224/7	十月二十五日癸巳	十月二十五日丁巳

224/8	正月二十一日乙酉	(是月二十一日丙子，三十日乙酉)
226/1	(卷首)盡其日	盡其月
227/1	(卷首)盡其日	盡其月
228/13	二十四日甲申	二十四日丙申
228/13	二十五日乙酉	二十五日丁酉
233/1	(卷首)起紹興三十年	起紹興三十一年
234/1	(卷首)十月八日	十月八日丁未
234/1	九月戊申	九日戊申
235/1	(卷首)起紹興三十年	起紹興三十一年
236/1	(卷首)起紹興三十年	起紹興三十一年
250/9	二十二日	二十二日戊午
250/10	二十一日丁巳	(此上已有二十一及二十二日，此處不當再見。然五月三十一日亦爲丁巳。或屬五月也。)

舉異凡例

舉異凡例

- 一、先列會編，次列宋，金史帝紀之異者於下，以便對閱。
- 一、同時列宋，金史，以時日爲先後。
- 一、所舉會編，每條記許本卷頁數於末，以便檢查。
- 一、會編所舉綱目不書日者，除上下條兩日相連者外，餘未必即與上條同日。凡遇此類，注明在某日後，某日前。
- 一、會編綱目不書日而其不復見本月之日份者，除顯與上條同日外，餘均本祇知月，不知日。此類悉依原文祇記月。
- 一、會編與宋史遇拜罷，遣使等事每差一二日，凡非重要者概從略。
- 一、宋史與金史異者，以不入本文範圍，不錄。
- 一、本文祇舉其異，不問是非。

舉異

舉異

1118 政和 8
天輔 2

1118 政和八年。十一月改元重和
天輔二年

四月二十七日遣武義大夫馬政等過海至女真軍前議事 1/6。八月四日馬政等行
2/11。

金史：天輔元年十二月，宋使登州防禦使馬政以國書來。

宋史繫於二月庚子是月無庚子。

1119 宣和元年
天輔 3

1119 宣和元年
天輔三年

三月一日改元「宣和」 4/1。

宋史繫於二月庚辰四日。

三月十八日差趙有開渡海聘金國。至登州，未行，有開死。止差呼延慶用登州牒遣李善慶等歸 4/1。

宋史：正月丁巳金人使李善慶來。遣趙有開報聘，至登州而還。

六月三日呼延慶至女真軍前，爲女真所留 4/1。

金史：六月辛卯散覩還自宋。宋使馬政及其子宏來聘。宋使還，復遣辭列，曷魯等如宋。

1120 宣和 2
天輔 4

1120 宣和二年
天輔四年

三月六日詔趙良嗣往使，王瓌副之，議夾攻契丹，求燕雲地，歲幣等事 4/3。

宋史繫於二月乙亥四日。

金史：二月，辭列，曷魯還自宋。宋使趙良嗣，王暉來議燕京，西京地。

1122 宣和 4
天輔 6

1122 宣和四年
天輔六年

正月十四日原誤作三月金人攻破遼人中京。天祚入夾山 5/2。

宋史繫於癸酉十三。

金史：正月乙亥十五取中京，遂下澤州。

六月在三日後宋昭上書論北界利害，乞守盟誓 8/1。

宋史：九月戊午宋昭上書諫北伐。王黼大惡之。詔除名勒停，廣南編管。

九月二十三日遼將郭藥師上表，以涿州來降 9/13。二十九日取易州 10/2。

宋史：九月己卯三十遼將郭藥師等以涿，易二州來降。

十二月在三日後郭藥師敗蕭幹於永清 12/3。

宋史繫於丁亥二日。

十二月五日金人到居庸關 12/3。

金史繫於戊子三日。

十二月六日金人兵至燕 12/4。

金史繫於庚寅五日。

1123 宣和 5
天輔 7

1123 宣和五年。
天輔七年 九月改元天會

二月一日金人遣趙良嗣過盧溝河，即焚橋梁次舍 14/1。

宋史：二月丙戌二日金人以議未合，斷橋梁，焚次舍。

二月九日金人復遣寧尤割持書來 14/5。

金史：二月癸卯十九日銀尤哥即竇，鐸刺如宋。

二月十一日尚書左丞王安中除少保，靖難軍節度使，河北，燕山府路宣撫使，判燕山府 14/12。

宋史繫於正月辛酉七日。

三月，詔盧益及趙良嗣爲奉使大金國信使 15/2。十八日趙良嗣等至燕山 15/4。

金史繫於戊午五日。

五月二日童貫，蔡攸班師 17/1。

宋史繫於四月庚戌三十日。

六月在九日後，二十一日前，金國主阿骨打殂於軍前 18/6。

金史：八月戊申二十一日上崩于部堵灤西行宮。年五十六。

六月在九日後，二十一日前，阿骨打既殂於軍前，粘罕等遙尊其弟吳乞買爲帝 18/6。

金史：九月丙辰廿日即皇帝位。

六月二十一日金人欲交割我朔，武，蔚三州，而國主告殂，不及取三州而去 18/7。

宋史：五月，金人許朔，武，蔚三州。

六月，金人軍馬來平州。張鷺拒敗之下云「金人闖母聞平州事作，前來問罪；先不交鋒，入營州。」張鷺拒戰。闖母以軍少不敵，不退。18/7。

金史：六月壬午一闖母敗張覺即張鷺于營州。

七月十日童貫致仕。拜譚稹爲河北，燕山府路宣撫使 18/7。

宋史：七月己未八日童貫致仕。起復譚稹爲河北，河東，燕山府路宣撫使。

九月，斡離不攻破平州，來索張毅。下軍中縊之，函其首與之 18/10。

金史：十月己亥二十閣母及張覺戰于兔耳山。閣母敗績。十一月壬午三十命宗望即斡離不問閣母罪，以其兵討張覺。十一月庚午二十宗望及張覺戰于南京即平東。大敗之。張覺奔宋亦未及。亦未及事。

宋史：十一月，金人取平州。張覺走燕山。金人索之甚急。命王安中縊殺，函其首送之。

1124 宣和 6
天會 2

1124 宣和六年
天會二年

正月；金人遣國信大使富謨古，副使李簡來 19/1。五月二十七日金使富謨古，李簡到國門 19/5。

金史：四月乙亥二十宋遣使來弔喪。以高尤，僕古等充遺留國信使，高興輔，劉興嗣等充告卽位國信使如宋。

宋史：九月庚子二十金人遣富謨弼等以遺留物來獻。

正月二十九日大金賀正旦使高居慶，副使楊意朝於紫宸殿 19/2。

宋史繫於五年十二月乙巳二十。

四月，斡離不遣使來宣撫司求所許借糧。譚稹不允 19/5。

宋史：三月己酉一日金人來囚糧。不與。

1125 宣和 7
天會 3

1125 宣和七年
天會三年

正月二十日詔差許亢宗充大金皇帝登寶位國信使 20/1。

金史：正月乙未二十宋遣使賀卽位。

正月，粘罕在雲中獲天祚，以兵護歸國。封海濱王。遼國亡 21/1。

金史：二月壬戌二十妻室獲遼主于余睹谷。八月癸卯四日斡魯以遼主至京師。丙午七日遼主延禧入見。降封海濱王。

十二月八日粘罕陷朔，武二州，至代州。漢兒擒李嗣本以降 23/10。九日粘罕兵至忻州 23/11。

金史：十二月戊申十日宗翰即粘罕克代州。

十二月十八日斡離不攻保州，安肅軍不克 25/18。二十一日斡離不攻中山府。詹度禦之。攻之不克 25/12。

金史：十二月乙卯十中山降。

宋史：十二月丙辰十九金兵犯中山府。詹度禦之。

十二月在二十三日後，二十五日前，种師道除檢校少保，靜難軍節度使，充河北，河東路制置使 26/3。

宋史繫於十一月庚寅三十。

1126 靖康元年
天會 4

1126 靖康元年
天會四年

正月一日詔從官舉文武官察內堪充將帥者 26/11。

宋史繫於癸酉七。

正月三日太上皇東幸亳州 27/2。

宋史繫於庚午四。

正月四日吳敏除知樞密院事 27/7。

宋史繫於己巳三。

正月四日李綱除兵部侍郎 27/7。

宋史作尚書右丞。

正月六日詔應內外官司局所除後苑作外，餘並罷 28/1。

宋史繫於己巳三。

正月六日太宰白時中罷相 28/1。

宋史繫於辛未五。

正月十四日康王，少宰張邦昌使於大金軍前 30/1。

金史：正月戊寅十宋以康王構，少宰張邦昌爲質。

正月二十日种師道，姚平仲以涇原，秦鳳路兵至京師 30/11。

宋史繫於丁亥三十。

正月二十四日斡離不送還康王 31/2。二月五日康王及張邦昌歸自虜寨 36/1。

金史：二月己亥三宋使宇文虛中以書來，改以肅王樞爲質。遣康王構歸。

宋史：二月乙巳九康王至自金軍。

二月二日宇文虛中爲簽書樞密院事，持報書使於斡離不軍前 33/4。

宋史繫於辛丑五。又簽書樞密院事繫癸卯七。

二月三日李綱罷行營使 33/5。

宋史：二月戊戌日罷李綱以謝金人。廢親征行營司。金人復來議和。

二月五日康王及張邦昌歸自虜寨。以張邦昌爲太宰。肅王及太宰張邦昌，駙馬都尉曹晟質於金國軍前 36/1。

金史：二月己亥三日宋使宇文虛中以書來，改以肅王樞爲質。遣康王構歸。師退。

宋史：二月庚子四日命駙馬都尉曹晟使金軍。癸卯七日命肅王樞使金軍。乙巳九日康王至自金軍。

二月十日金人退師 36/9。

金史：二月己亥三日師還。

宋史：二月乙巳九日金人遣韓光裔來告辭，遂退師。

二月十四日以吳敏爲少宰，徐處仁爲中書侍郎 37/3。

宋史：庚戌十，以吳敏爲少宰兼中書侍郎。

二月十九日粘罕陷威勝軍 40/10。

宋史：二月甲寅八日粘罕過南北關，權威勝軍李植以城降。乙卯十九日陷隆德府。

三月二十七日誅趙良嗣於郴州 44/11。

宋史：七月辛卯二十日遣廣西轉運副使李昇之誅趙良嗣。

四月十六日太學生陳東上書辭免恩命 45/10。

宋史：三月甲午二十一日命陳東初品官，賜同進士出身。辭不拜。

五月九日种師中敗於榆次，死之 47/4。

金史：五月辛未六日宋种師中以兵出井陘。癸酉八日完顏活女敗之于殺熊嶺，斬師中於陣。

宋史繫於丁丑十一。

五月十九日姚古兵潰於盤陀 47/11。

金史：五月癸酉八日拔離速敗宋姚古軍於隆州谷。

宋史：五月丁丑十一日姚古將兵至威勝，聞粘罕將至，衆驚潰。

六月八日張孝純除武當軍節度使 48/8。

宋史繫於五月己丑^{二十一}。

八月十五日張思政襲金人於文水縣，獲捷 51/10。十六日思政出戰，我師大潰 51/10。

金史：八月辛亥^十，婁室等破宋張灝軍于文水。

八月二十日詔四總管以兵禦都城。張叔夜充南道總管，胡直孺東道，王襄西道，趙野北道 51/11。

宋史繫於九月庚寅^{二十}。

九月在三日後，王禹使於金國。不行。罷尚書右丞 52/8。

宋史：十月壬子^二，命尚書右丞王禹副康王使斡離不軍。禹辭。戊午^{二十}，貶王禹爲單州團練副使。

九月十九日李綱罷宣撫使，知揚州 55/7。

宋史繫於戊寅^{十五}。

十月三日种師道除河北巡邊使，未行，再命河東宣撫使。以疾召還京師 57/1。

宋史：八月庚申^三，復命种師道以宣撫使巡邊，召李綱還。十月丙午^{十四}，召种師道還。

十月六日斡離不陷真定府。安撫使李邈死之。兵馬都鈐轄劉韜自殺 57/2。

金史：九月辛未^八，宗望_即斡離不破宋种師道軍于井陘，取天威軍，克真定，殺其守李邈。

宋史繫於丁酉^五，未言李邈。

十月二十八日黃驥除給事中由海道使金國 59/11。

宋史繫於九月辛卯^{二十}。

十月二十八日粘罕至澤州城下 59/11。

宋史：十月丙辰^{二十}，金人陷平陽府，又陷威勝，隆德，澤州。

金史：十一月甲子^三，宗翰自太原趨汴。戊辰^七，宗翰下威勝軍。乙亥^{十四}，克隆德府。

十一月一日夏人陷懷德軍。守臣劉銓，通判杜翊，世死之 61/1。

宋史繫於丙寅^五。

十一月在五日，粘罕攻澤州。守臣高世由以城降 61/4。

金史：十一月庚辰十九宗翰克澤州。

宋史繫於閏十一月癸巳二日。

十一月五日詔太常禮官集議金曾徽號 61/4。

宋史繫於十月壬子二日。

十一月六日粘罕陷懷州 61/5。

金史繫於十一月丙戌二十日。

宋史繫於閏十一月甲午三日。

十一月十二日粘罕至河陽。折彥質軍潰，李回奔京師。粘罕陷河陽 63/1。十五日粘罕兵自河陽渡大河 63/7。

宋史：十一月甲戌十三日師潰。金人濟河。丙子十五日金人渡河。折彥質兵盡潰。

提刑許高兵潰于洛口。丁丑十六日李回以萬騎防河，衆潰而歸。

金史：十一月乙亥十四日活女渡盟津。西京，永安軍，鄭州皆降。

十一月十三日馮澥，李若水充告和使副及同王雲，馬識遠詣粘罕軍前接王雲十六日不軍前，見同卷十頁。此言王雲者，或本有是命，後改。

宋史繫於丙子十五日。

十一月十五日斡離不自大名府由魏縣李固渡過大河 63/8。

金史繫於庚辰十九日。

十一月十五日河南守燕瑛棄河南走回京師 63/8。

宋史：十一月甲戌十三日知河陽燕瑛棄城遁。閏十一月癸巳二日燕瑛欲棄河陽，爲亂兵所殺。

十一月十七日粘罕遣楊天吉，王汭，撒離母等持書來議黃河爲界等事 63/13。

宋史：十一月壬午二十日斡離不使楊天吉，王汭，撒離母來。

十一月二十日康王至磁州 64/2。二十一日磁州人殺王雲 64/4。二十二日康王回相州 64/9。

宋史：十一月壬午二十日康王至磁州。州人殺王雲，止王勿行。王復還相州。

十一月二十二日耿南仲使於粘罕，割河東，聶昌使於斡離不，割河北 64/7。

- 宋史：十一月壬午二十命耿南仲使斡離不軍，聶昌使粘罕軍，許畫河爲界。
- 十一月二十五日金遊騎先犯京師 64/12。三十日粘罕，斡離不以兵至京城 65/15。
- 宋史：十一月乙酉二十斡離不軍至城下。閏十一月癸巳二粘罕軍至城下。
- 金史：十一月丙戌二十宗望至汴。閏十一月癸巳二宗翰至汴。
- 十一月二十五日城上保甲作亂，殺統制官辛永宗「卒」一本 64/12。
宋史：閏十一月癸巳二都民殺統制官辛亢宗。罷民乘城，代以保甲。
- 十一月二十六日王宗澨薦拱聖副都頭郭京 65/1。
- 宋史：十一月丁丑十六命成忠郎郭京領選六甲正兵所。
- 十一月二十六日少宰唐恪罷 65/3。
- 宋史：閏十一月壬辰日唐恪出，都人欲擊之，因求去。罷爲中太一宮使。
- 閏十一月二日金人攻善利門，姚友仲選五軍中神臂弓硬手一千五百人策應 66/3。
- 宋史：閏十一月壬辰日金人攻善利門。姚仲友禦之。
- 閏十一月三日東道總管胡直孺與金人戰於拱州，敗績，被執 66/4。
- 宋史繫於丙申五。
- 閏十一月七日御筆：「范宗尹首議割地，今戎馬再至，使朕失天下人心，先次落職 66/9。」
- 宋史：十一月癸酉二十右諫議大夫范宗尹以首議棄地罷。
- 閏十一月十二日劉韜以守禦無狀落職，留以自效 66/13。
- 宋史繫於壬辰日。
- 閏十一月二十三日范瓊發兵千人自宣化門出，與金人戰。乘冰渡河。未及岸，冰拆。陷沒者五百餘人 68/5。
- 宋史繫於壬子二十。
- 閏十一月二十五日何慶彥戰歿 69/7。
- 宋史作「何慶言」。
- 十二月七日陳過庭，折彥質出使兩河，交割地界 72/2。
- 宋史：十二月丙寅日遣陳過庭，劉韜使兩河割地。
- 1127 靖康二年建炎元
1127 天會五年
- 1127 靖康二年五月改元建炎
1127 天會五年

正月十七日太學生徐揆上二劄書。取徐揆赴軍前。揆抗辨，死之 76/5。

宋史繫於丙午十一。

二月二十四日金人殺梅執禮，程振，陳知質，安扶 83/2。

宋史繫於乙酉三十。

二月廿二十六日後，唐恪飲藥卒 83/7。

宋史繫於癸未三十。

三月二十九日，是日太上皇帝，淵聖皇帝鑾輿北狩 89/1。

宋史欽宗紀：丁巳二十金人脅上皇北行。高宗紀：丁巳二十斡離不退師。徽宗北遷。

四月二日邦昌遣使臣尋訪大元帥 89/11。

宋史繫於癸亥四日。

四月九日邦昌遣謝克家來歸大宋受命之寶於帥府 92/1。

宋史繫於丁卯八日。

四月十一日太母下手詔播告天下 93/2。

宋史繫於甲戌十五。

四月二十七日內侍邵成章，王袞奉乘輿服御儀仗來 95/14。

宋史：四月乙酉二十權吏部尚書王時雍等奉乘輿御服至。

五月二日詔責李邦彥，吳敏，蔡懋，李梲，宇文虛中，鄭望之，李鄴 102/4。

宋史繫於庚子十一。

五月三日以張邦昌爲太傅 102/6。

宋史：五月壬辰三以張邦昌爲太保。壬子三進張邦昌太傅。

五月三日梁揚祖徽猷閣待制，淮南，江浙，荆湖制置發運使兼提領措置茶鹽 102/7。

宋史：五月壬寅三以江淮發運使梁揚祖提領東南茶鹽事。

五月二十一日王襄，趙野落職 104/4。

宋史繫於戊午二十。

五月二十一日李孝忠陷襄陽府 104/6。

宋史繫於六月丁卯九日。

六月一日詔張邦昌知幾達變，勳在社稷，可依文彥博一月兩赴都堂 104/9。

宋史繫於五月辛丑十一日。

六月四日張邦昌責授昭化軍節度副使，潭州安置 105/7。

宋史繫於癸亥五日。

金史：五月，宋殺張邦昌。

六月在八日後，十二日前。傅雱特授宣教郎，借工部侍郎，充大金通問使 108/2。

宋史：六月戊寅二十一日遣宣義郎傅雱使河東軍前，通問二帝。

六月十七日張所授河北路招撫使 108/7。

宋史：六月丁亥二十日以張所爲河北西路招撫使。

六月在十七後，二十前。耿南仲南雄州安置 108/8。

宋史繫於八月癸酉十六日。

六月二十一日金人斡離不殂 108/11。

金史繫於庚辰三十日。

七月七日宣示太上皇親書絹背心「便可卽真來救父母」八字諭宰相黃潛善等 111/1。

宋史：七月丙辰二十一日徽宗自燕山密遣曹勛至，賜帝絹半臂書；其領曰「便可卽真來援父母」。帝泣以示輔臣。

七月十三日京城留守范訥降授承宣使，淄州居住。宗澤入京師 111/2。

宋史：六月己卯三十日東京留守范訥落節鉞，淄州居住。

七月十六日元祐太后發京師 112/1。

宋史繫於八月己未二日。

八月五日內降白麻，李綱尚書左僕射兼門下侍郎，御營使；黃潛善尚書右僕射兼中書侍郎，御營副使 112/9。

宋史：六月甲子六日命李綱兼御營使。八月壬戌五日以李綱爲尚書左僕射兼門下侍郎，黃潛善爲右僕射兼中書侍郎，張慤兼御營副使。

八月十四日東京留守宗澤奏劄乞車駕回京師 113/1。

宋史繫於九月乙巳十八日。

八月在十八日後，太學生陳東，歐陽澈上書，語切直。斬於市 113/4。

宋史：八月壬午二十用黃潛善議，殺太學生陳東，崇仁布衣歐陽澈。

八月二十日元祐皇太后發應天府 113/5。九月二十一日元祐太后及六宮至揚州
113/11。

宋史：八月丙子十九隆祐太后發南京。十月戊午二太后至揚州。

八月二十二日近降指揮，諸路買馬；除陝西外，東南州軍不係產馬之處並免出。

其勸民出財助國指揮更不施行 113/7。

宋史：九月戊戌十罷買馬。十月己未三罷諸路勸誘獻納錢物。

十一月十四日車駕次泗州 114/3。二十七日車駕至揚州駐蹕 114/4。

宋史：十月庚午十四次泗州。十月癸未二十至揚州。

十二月八日金人陷鄭州。知軍州事董庠棄城走 114/5。

宋史：建炎二年正月辛丑十六金人陷鄭州。通判趙伯振死之。

1128 建炎二年
天會六年

1128 建炎二年
天會六年

正月二日銀尤寇鄧州。權安撫使劉汲出戰，被殺 114/8。九日簽書武勝軍節度
判官廳公事李操（以鄧州）叛降於金人 114/12。

金史：正月丙戌一銀尤可取鄧州。

宋史：正月戊子三日金人陷鄧州。委撫劉汲死之。

正月十一日銀尤陷均州 114/13。

金史：正月丙戌一拔離速入均州。

正月十二日銀尤陷房州 115/1。

金史：正月丙戌一馬可取房州。

正月，邵成章吉州編管 115/5。

宋史繫於辛丑十六，作「南雄州編管」。

正月在二十二日後，丁進詣留守司請降 115/7。

宋史繫於建炎元年十二月辛巳二十。

二月四日原文誤作三日銀尤陷唐州 115/9。

金史：正月乙卯日拔離速取唐州。

二月十九日原文誤作十八銀尤陷蔡州 115/9。

金史繫於癸亥九日。

二月二十日原文誤作十九銀尤寇陳州。軍亂，殺知軍州事向子褒。金人陷陳州 115/10。

宋史：二月丙子三十金人陷淮甯府。守臣向子韶死之。

三月十九日翟興，翟進復西京 116/1。

宋史：三月庚子十翟進復西京。

三月，張嚴及婁宿戰於五里坡，兵敗被殺 116/3。

宋史繫於四月乙丑十一。

五月在八日後，翟進攻兀室，余覩於西京，失利 117/1。

宋史繫於四月乙丑十二。

八月，東京留守宗澤卒 117/6。

宋史繫於七月丙戌十四。

八月，中書侍郎張慤卒 117/11。

宋史繫於五月癸卯二十。

十一月十二日金人陷延安府 119/1。

金史繫於庚寅十一。

十一月在十五日後，金人陷開德府 119/3。

金史繫於十二月丙辰十六。

十一月，知濟南府劉豫附於金人 119/5。

宋史繫於十二月庚申廿。

1129 建炎三年
天會 7

1129 建炎三年
天會七年

正月在二十一日後，韓世忠退屯宿遷縣 120/7。

宋史：正月丙午二十韓世忠軍潰於沭陽，其將張遇死。世忠奔鹽城。

正月在二十一日後，折可求以麟，府州，晉寧州軍叛附於金人 120/8。

宋史：建炎二年十一月，金人犯晉寧軍。徐徽言拒却之。知府州折可求以城降。

金史：二月戊辰十九宋麟府路安撫使折可求以麟，府，豐三州來降。

二月三日金人陷天長軍 120/10。

宋史繫於辛亥二日。

二月三日金人入揚州 120/11。

金史：五月乙卯是月無拔離速襲宋主于揚州。

二月四日誅丁進 121/6。

宋史繫於丁巳八日。

二月七日上過吳江縣 121/9。

宋史繫於戊午九日。

二月七日呂頤浩同簽書樞密院事 121/9。

宋史：二月庚申十次崇德縣。呂頤浩從行。卽拜同簽書樞密院事。

二月十一日車駕幸秀州 121/11。

宋史繫於己未十日。

五月九日改江甯府爲建康府 129/1。

宋史繫於乙酉八日。

五月在九日後，張浚往撫諭淮南 129/1。六月在七日後，張浚江淮，荆湖，川陝，
撫處置使，便宜黜陟 129/9。

宋史：五月戊寅日以張浚爲宣撫處置使，以川陝，京西，湖南北路隸之，聽便宜
黜陟。

六月六日誅苗傅，劉正彥於建康府 129/4。

宋史繫於七月辛巳五日。

六月在七日後，范瓊率兵至行在。送大理寺，賜死 129/10。

宋史：七月壬辰十言者論范瓊逼遷徽宗及迎立張邦昌。瓊辭伏。賜死。

六月，王瓊爲斬賽所敗 130/7。

宋史繫於七月辛丑二十日。

六月，朱撈非落職 130/7。

宋史繫於七月甲申八日。

七月二十一日張浚領兵往川陝 130/10。

宋史繫於庚子二十。

八月二十日隆祐皇太后至洪州 131/1。

宋史繫於閏八月丁酉二十。

閏八月，李成遣人詣行在受招安，未回，復反 132/1。

宋史：九月癸亥十六賜宿，泗州都大提舉使李成軍絹二萬匹。成尋復叛。

閏八月在十四日後，車駕幸平江府 132/3。車駕復幸杭州 132/4。

宋史：閏八月壬寅二十六帝發建康。十月癸未八日帝至杭州。

十月，傅崧卿爲浙東防遏使 133/9。

宋史繫於十一月乙丑三十。

十一月二十九日江東安撫使陳邦光叛附於金 135/2。

金史：十一月壬戌宗弼渡江，敗宋副元帥杜充軍于江寧。丁卯三十守臣陳邦光以城降。

宋史繫於辛未二十七。

十二月十日金人寇杭州。浙江安撫使康允之棄杭州 135/6。

宋史繫於乙酉十一。

十二月十二日上欲幸海道。班直衛士語不遜，欲殺宰相呂頤浩。中軍統制彈壓定，遂取首亂數人誅之 135/6。

宋史：十二月壬午八日定議航海避兵。禁卒張寶憚行，謀亂。命呂頤浩等伏兵執寶等十七人斬之。

十二月十九日車駕幸定海縣 135/7。二十日幸昌國縣 135/8。

宋史：十二月己丑十五帝乘樓船次定海縣。癸巳十九次昌國縣。

十二月二十二日金人屠洪州 135/8。

宋史繫於乙未三十。

1130 建炎四年
天會八

1130 建炎四年
天會八年

正月三日金人陷明州 136/1。

宋史，金史俱繫於己未十六。

正月五日車駕發昌國縣 136/1。

宋史：建炎三年十二月癸巳十九次昌國縣。庚子二十移幸溫，台。

正月七日車駕幸章安鎮 136/1。

宋史繫於丙午。

正月二十日車駕發章安鎮 136/4。

宋史繫於辛酉。

正月二十四日虔州軍亂下云：太后既至虔州，軍與民相爭。軍士縱火肆掠。鄉兵首領陳辛率衆數萬圍虔州。胡友以其衆至虔州，及陳辛戰於城下，破之。遂解圍。136/6。

宋史：正月丁卯二十處州衛兵及鄉兵相殺，縱火肆掠三日。二月癸未日虔州鄉兵首領陳新率衆數圍城。叛將胡友亦犯虔州，與新戰，破之。新乃去。

二月十七日鼎州武陵百姓鍾相反 137/4。

宋史繫於甲午三十。

二月十八日金人陷秀州 137/5。

金史繫於庚寅十。

二月十九日程昌寓棄蔡州南歸 137/5。

宋史繫於甲午三十。

三月在十日吳玠及金人戰於寶雞，敗績 137/10。

宋史：四月戊寅日吳玠及金人戰于邠州彭原店，敗績。

四月一日車駕幸越州 137/11。

宋史繫於癸未十一。

四月在十四日呂頤浩罷 137/12。

宋史繫於丙申二十。

九月一日呂頤浩駐軍饒州 142/1。

宋史：九月辛丑日呂頤浩入見。

九月二十六日秦檜將家屬自虜寨逃歸至連水軍丁彊水寨 142/9。

宋史繫於十月辛未二。

九月二十七日趙延壽焚鄆州 142/11。

宋史繫於戊辰二十。

十月二十八日秦檜至行在，除禮部尚書 143/4。

宋史：十一月乙巳秦檜入見。丁未八以秦檜爲禮部尚書。

十一月四日岳飛棄泰州 143/6。

宋史繫於丙午七。

十一月十日祝友渡江往新市，薛店縱兵虜掠 143/7。

宋史繫於丙寅二十。

1131
紹興元年
天會9

1131
紹興元年
天會九年

正月十三日金人寇揚州 144/5。

宋史繫於己酉十。

二月在十五日後，馬進陷筠州 144/17。馬進陷臨江軍 144/7。

宋史：二月庚午三李成黨邵友犯筠州。辛未四犯臨江軍。

三月十二日張俊敗馬進於玉隆觀 145/10。

宋史繫於丙午九。

三月二十五日撻懶攻張榮於泰州縮頭湖。爲張榮所敗 145/13。

金史：正月辛亥三蒲察，鶻拔魯，完顏忒里討張萬敵^{即張}于白馬湖，陷于敵。

三月二十七日李允文殺知岳州袁植 145/15。

宋史繫於建炎四年十一月丁未八。

四月在十四日後，王德執郭仲威於揚州 146/8。

宋史繫於五月丙午十。

四月，孔彥舟在鄂州受招安 147/3。

宋史：五月庚申三十孔彥舟過潭州，馬友迎擊，敗之。彥舟趨岳州，犯鄂州。

李允文以彥舟爲湖東副總管。

六月，張俊追及李成，敗之於蘄州石幢坡。成走附於劉豫 147/8。

宋史繫於五月。

七月在十六日之前，張用以兵五萬降於張俊 147/9。

宋史：八月丁卯三張用部兵至瑞昌縣歸張浚。

七月，權知亳州李玠率家屬去 147/11。

宋史作「珍州」。

九月在二十二日後，李捧以其衆降於劉洪道 148/7。

宋史繫於十月庚午七日。

十月二十日金人寇和尚原。吳玠敗之 149/5。

宋史繫於癸酉十日。

金史繫於戊寅十五日。

十月在二十四日後，邵青受招安 149/6。

宋史繫於己巳六日。

十月二十四日張俊加太尉 149/7。

宋史繫於戊寅十五日。

十月，吳敏爲湖南，二廣宣撫使 149/7。

宋史繫於八月丁卯三日。

1132
紹興2
天會10

紹興二年
天會十年

三月二十二日僞齊以兵犯翟興中軍。興力戰，死之 150/9。

宋史：三月癸丑三十日河南鎮撫使翟興爲部將楊偉所殺。

四月，劉豫陷壽春府 150/10。

宋史繫於三月。

四月，誅韓世清 150/10。

宋史繫於閏四月辛丑十日。

八月，金人遣王倫歸 151/6。

宋史繫於九月壬戌五日。

八月，李勃詐稱徐王，伏誅 151/8。

宋史繫於十月庚寅三日。

十一月，王亨欲附劉豫。巨師古擒送行在 153/9。

宋史繫於十二月己丑三日。

十二月，牛皋，李橫克頴昌府 154/14。

宋史繫於紹興三年正月甲子八日。

1133 紹興3年
天會11年

1133 紹興三年
天會十一年

正月，金人攻商州。邵隆棄城去 155/4。

宋史繫於紹興二年十二月辛亥三十。

二月，王彥克金州 155/7。

宋史繫於五月丙子三十。

四月，巨師古軍揚州 155/12。

宋史繫於三月壬戌七日。

五月，巨師古罷 155/12。

宋史繫於六月甲申日。

五月，徐文叛附劉豫 155/12。

宋史繫於四月辛亥三十。

五月十三日韓肖胄同簽書樞密院事。胡松年爲工部侍郎 155/12。六月，韓肖胄爲大金通問使，胡松年副之，使於金國 155/12。

宋史：五月丁卯十一以韓肖胄等充金國軍前通問使。

七月，宰相呂頤浩罷 155/15。

宋史繫於九月戊午七日。

十二月，韓肖胄，胡松年奉使金國回 155/19。

宋史繫於十一月甲子十三日。

1134 紹興4年
天會12年

1134 紹興四年
天會十二年

二月七日兀朮寇仙人關 157/6。

宋史繫於辛丑三十。

二月十一日吳玠及兀朮戰於仙人關，敗之 157/6。

宋史繫於三月辛亥一日。

二月十四日吳玠斬其統制郭震下云：「郭震爲兀朮襲破其塞。王師 157/6。」甲午玠斬震以徇於衆。

金史：二月丁酉十一撒離喝敗宋吳玠軍于固鎮。

二月十四日熙河經略使關師古叛附於劉豫 157/6。

宋史：四月甲午十一關師古叛，以洮，泯二州降僞齊。

二月，罷都督府 157/7。

宋史：三月壬戌十二罷都督府，以其兵屬張俊。

五月，岳飛克襄陽府，進復唐州 159/2。

宋史：五月丙寅十七李成棄襄陽去。岳飛復取之。七月庚午三十王貴，張憲破金，齊兵，復唐州及信陽軍。襄，漢悉平。

十月，張俊爲浙江東西宣撫使 164/5。

宋史：十月己卯四日以張浚爲浙西，江東宣撫使。

十月，牛皋，徐慶敗金人於廬州城下 164/8。

宋史繫於十二月壬辰十六。

十月二十四日車駕發臨安府 164/10。

宋史繫於戊戌三十。

十二月二十日或十九日張宗顏及金人戰於六合縣，不勝，詐爲捷書以聞 165/6。

宋史：十二月壬辰十八張浚遣統制張宗顏擊敗金人于六合。

十二月，王進薄金人於淮，執其酋程師回，張建壽 165/9。

宋史：紹興五年正月庚戌六張浚遣統領楊忠閔，王進夾擊金人于淮南岸。敗之。降其將程師回，張延壽。

十二月，虜主吳乞買以病殂 165/9。

金史：天會十三年紹興五年正月己巳二十上崩于明德宮。

1135 紹興 5
天會 13

1135 紹興 5 年
天會 13 年

二月三日車駕至自平江府 166/12。

宋史：二月丁丑三日帝發平江。壬午八日帝至臨安。

二月在三日後，劉光世，韓世忠，張俊辭回軍 166/14。

宋史繫於正月壬申二十。

十月，詔張浚荆襄視師 168/17。

宋史繫於十一月丙戌七。

1136 紹興 6
天會 14

1136 紹興 6 年
天會 14 年

二月十七日馬擴爲沿海制置使，駐軍明州 169/7。

宋史：三月辛巳十一以樞密副都承旨馬擴爲沿海制置副使。

三月，岳飛湖北，京西宣撫使 169/8。

宋史繫於己巳二，作「宣撫副使」。

十月八日楊沂中，張宗顏，王偉，吳錫敗劉猊於定遠縣 170/4。十一日劉麟寇廬州，聞劉猊敗，退走 170/4。

宋史：十月甲辰十一劉猊犯定遠縣。沂中進戰。大敗之。猊遁。麟在順昌聞之，拔砦去。

1137 號興 7
天會 15

1137 號興七年
天會十五年

五月，岳飛居江州，乞持餘服 178/1。

宋史：四月丁未十六岳飛乞解官持餘服，遂棄軍去。詔不許。

六月，張宗元爲湖北，京西路宣撫判官，以監岳飛軍 178/2。

宋史繫於四月庚戌十九。

七月在八日之前，張俊爲淮西宣撫使，楊沂中爲淮西制置使 178/2。

宋史繫於八月乙未五。

七月八日劉瓊，王世忠叛，殺喬仲福等，執呂祉等附於劉豫 178/2。

宋史繫於八月戊戌八。

八月，岳飛赴行在 178/5。

宋史繫於六月辛卯一。

八月，金人斬高慶裔於會甯市 178/5。

金史：六月庚戌十尚書左丞高慶裔，轉運使劉思有罪伏誅。

八月，粘罕以病殂 178/6。

金史：七月辛巳二十太保領三省事晉國王宗翰薨。

九月，呼延通，王勝，王權襲金人於淮陽軍，敗之 179/12。

宋史繫於十月壬子三十。

十一月十八日金人廢劉豫 181/1。

宋史繫於丁未十九。

十一月，王倫，高公繪使於金國回 182/19。

宋史繫於十二月癸未二十。

紹興八年
1138
天眷元年

紹興八年
1138
天眷元年

正月，車駕駐蹕臨安府 183/1。

宋史：正月戊子朔帝在建康。

三月在七日之後，王庶樞密副使 183/3。

宋史繫於庚寅五。

四月十四日詔遣王庶按行營壘，察州縣弛慢失職者 183/4。

宋史：四月壬戌七日遣王庶巡視江淮邊防。

六月在十七日前，金人遣烏陵思謀，石少卿來聘 183/9。

宋史：五月丁未三十，金國遣烏陵思謀，石慶克與王倫等偕來。

九月，劉大中罷 184/6。

宋史繫於十月丁巳四。

十一月二日張戒奏論金人遣使詔諭江南事，下云：金人遣張通古爲江南詔諭使，蕭哲爲明威將軍副之，且入境。甲申（二日）

張戒因進劄子。 185/1。

宋史十月丁丑三十，金國使張通古，蕭哲與王倫偕來。

十一月在二十五日前後，胡珵，朱松，張慎，凌景夏，常同，范如圭上疏論和議未便 186/2。

宋史繫於十二月癸酉二十。

十一月二十六日王庶乞免簽書和議文字。不許 187/1。

宋史繫於十月戊寅二十。

十一月在二十六日前後，施廷臣爲殿中侍御史 187/3。

宋史繫於十二月丙子二十。

十一月，李光參知政事 188/1。

宋史繫於十二月己未七日。

十二月，胡銓簽書武威軍節度判官廳公事 190/7。

宋史：十一月辛亥二十，以胡銓上書直諫，斥和議，除名，昭州編管。

十二月，王庶罷爲資政殿學士，知潭州，兼湖南安撫制置大使 190/8。

宋史：十一月甲辰三十王庶罷。

十二月，是月，金人改天眷元年 190/9。

金史：天會十五年紹興七年十二月癸未三十詔改明年爲天眷元年。

1139 紹興9
天眷2

1139 紹興九年
天眷二年

正月五日王倫爲迎護梓宮奉迎兩宮交割地界使 191/3。

宋史作「奉護梓宮迎請皇太后交割地界使」五日爲。
丙戌

二月，趙士儂爲朝陵使，兵部侍郎張燉副之 193/1。

宋史：正月戊子七遣判大宗正事士儂，兵部侍郎張燉詣河南修奉陵寢。

三月，郭仲荀爲京城副留守 194/1。

宋史繫於正月戊戌七。

五月，張俊，韓世忠來朝 195/1。

宋史繫於四月癸酉二十一。

五月，以孟庾爲西京留守，路允迪爲南京留守 195/1。

宋史繫於四月甲子十五。

八月十一日金人誅魯國王，都元帥撻懶 197/7。

金史：八月辛亥四行臺左丞相撻懶，翼王鵠懶及活離胡土，撻懶子幹帶，烏達捕謀反。伏誅。

宋史：八月丙辰九金國以撻懶主和割地，疑其二心，殺之。

九月，遣趙榮還金國 197/12。

宋史繫於八月乙亥二十六。

九月十五日胡世將加寶文閣學士川陝宣撫副使 197/12。

宋史：七月乙巳二十以胡世將兼權主管四川宣撫司。

九月，以關師古爲行營中護前軍統制 197/4。

宋史繫於八月乙亥二十六。

九月，以夏國宰相王樞還夏國 197/14。

宋史：十月甲寅七王樞入見。併其俘百九十人皆縱遣還夏國。

十月九日張所追復左通郎，直龍圖閣 197/15。

宋史繫於十一月己丑^十。

1140 號興 10
天眷 3

1140 號興十年
天眷三年

五月七日原祇有干支，闕，詔置敷文閣官屬 200/4。

宋史：甲申^十名徽宗御制閣曰「敷文」。

五月十一日金人寇京師。留守孟庾叛降於金人 200/5。

宋史繫於乙酉^{十二}。

五月在十三日前後，西京留守李利用棄城走 200/6。河南府路總管孫暉棄河南府 200/6。

宋史：五月己丑^十金人陷西京。留守李利用，副總管孫暉皆棄城走。

五月二十五日劉錡軍於順昌府 200/12。

宋史：五月丁亥^{十四}劉錡引兵至順昌府。

五月二十六日劉錡及金人龍虎大王，韓將軍，翟將軍戰於順昌府，敗之 200/12。

宋史：五月壬寅^{二十}金人圍順昌府，三路都統葛王襄以大軍繼至。劉錡力戰敗之。

六月六日金人寇鳳翔府扶風縣。吳璘軍統制李永琪，楊從儀，尚起與戰，敗金人於扶風縣 200/13。

宋史：六月己酉^{廿一}吳璘遣統制李師顏等戰敗金人于扶風，拔之。

六月二十一日吳璘軍統制姚仲，尚起，樊彥，鄭師正以兵援郭浩，及金人撒離喝戰於鳳翔府，大破其軍 202/6。

宋史：六月甲子^{二十}撒離喝攻青谿嶺。鄜延經略使王彥率兵戰敗之。撒離喝還屯鳳翔。

閏六月五日涇原路經略使田晟及金人戰於涇州，未合而遁 202/7。

宋史：閏六月丙子^四金人犯涇州。守臣曲瀆棄城遁。經略使田晟率兵來救。金人敗走。

閏六月在二十四日前後，趙鼎責授朝議大夫，分司南京，邵武軍居住 204/1。

宋史：閏六月丁酉^{二十}趙鼎分司，興化軍居住。

七月十三日岳飛統制王貴，姚政敗兀朮於頴昌府中。楊再興，王蘭，高林歿於陣 204/5。

宋史：七月甲寅十一 岳飛遣統制楊再興，王蘭等擊金人于小商橋。皆戰死。乙卯十二 金人攻頴昌。 岳飛遣將王貴，姚政合兵力戰，敗之。

八月二十一日王俊敗金人于鞏眼郎君於鞏州縣南 204/9。

宋史：七月辛未二十 金人犯鞏州縣。 王俊逆戰于東洛谷，却之。

八月二十三日楊政軍統制邵俊敗金人於隴州游陽縣牧牛鎮 204/9。

宋史：八月甲午三十 川陝宣撫司統領 王喜等遇金人于游陽縣，敗之。

九月十二日楊從儀，邵俊敗金人於隴州游陽縣 204/9。

宋史：九月丁未六 楊從儀夜襲金人于鳳翔府，敗之。

九月，劉錡來朝 204/10。

宋史繫於十月。

1141 紹興十一年
皇統元年

1141 紹興十一年
皇統元年

正月二十九日邵隆襲金人於芍藥坡，敗之。又敗於鴻門。克商州 205/1。

宋史：二月癸酉四 邵隆破金人于洪門，復商州。

二月三日金人陷廬州 205/2。

宋史繫於正月丙寅十六。

金史繫於二月戊寅九。

二月十九日崔皋敗金人於舒城縣 205/4。

宋史繫於甲申五。

三月八日濠州兵馬鈐轄邵宏叛降於金人 205/6。

宋史：三月丁未八 金人陷濠州，鈐轄邵青死之。

八月，鄂州軍統制張憲謀爲亂。都統制王貴執之，送於樞密行府 206/8。

宋史：九月癸卯八 鄂州前軍副統制王俊告副統制張憲謀據襄陽爲變。張俊收憲，屬吏以聞。

九月九日吳璘克秦州 206/9。

宋史繫於辛亥十六。

九月二十二日姚仲及金人戰于丁劉圈，敗之 206/9。

宋史繫於壬子^十。

1142 紹興 12
皇統 2

1142 紹興十二年
皇統二年

五月三日沈昭遠爲賀生辰國信使 208/8。

宋史作「審詔遠」^{三日}爲乙未。

九月五日王次翁爲報謝使，使於金國 212/1。

宋史繫於戊申^{十九}。

九月六日孟忠厚以樞密使爲山陵使 212/1。

宋史：乙未^六以孟忠厚爲樞密使充攢宮總護使。

十月，秦檜以張中孚，張中彥歸於金國 212/4。

宋史繫於十一月辛亥^{二十}。

十二月十六日李顯忠爲兩浙東路馬步軍副總管 212/12。

宋史：十二月癸酉^{十五}以李顯忠爲御前選鋒軍統制。

1143 紹興 13
皇統 3

1143 紹興十三年
皇統三年

八月，金人遣使人洪皓還 213/1。

金史：皇統二年^{紹興十八年}八月丁卯^廿詔歸朱弁，張邵，洪皓于宋。

宋史：六月庚戌^{二十}金遣洪皓，張邵，朱弁來歸。

九月，鄭樸，何彥良使於金國 213/1。

宋史：八月己亥^{十五}遣鄭朴等使金賀正旦，王師心等賀金主生辰。

1144 紹興 14
皇統 4

1144 紹興十四年
皇統四年

正月，浙東副總管李顯忠落節鉞，與宮祠 213/1。

宋史：紹興十八年五月癸未^{二十}以李顯忠私取故妻于金，降爲平海軍承宣使，台州居住。

四月，解潛責授團練副使，南安軍安置 213/2。

宋史繫於三月壬申^{二十}。

九月，宋之才爲大金賀正旦國信使 213/2。

宋史：八月乙未^{十六}遣林保使金賀正旦，宋之才賀金主生辰。

九月，朱勝非薨 213/3。

宋史繫於十一月乙亥二十八。

十二月，李光移瓊州安置 213/11。

宋史繫於十一月癸酉二十六。

十二月，金人逼王倫以官，倫死于金 213/11。

金史：正月己未七日以宋使王倫爲平州轉運使。既受命，復辭。責其反覆，誅之。

宋史：七月戊午九金人殺王倫于河間府。

1145 紹興十五年
皇統5

1145 紹興十五年
皇統五年

三月，敷文閣待制周金及馬觀國，史願送還金國 214/1。

宋史：三月甲子十九遣敷文閣待制周襟，馬官國，史願，諸將程師回，馬欽，白常皆還金國。

十月，嚴抑爲賀生辰國信使 214/1。

宋史繫於九月辛酉十八。

十月，宇文虛中死於金國 214/1。

金史：皇統六年紹興十六年六月乙巳廿殺宇文虛中及高士談。

十月，金人兀朮殂 215/12。

金史：皇統八年紹興十一年太師領三省事都元帥趙國王宗弼薨。

1146 紹興十六年
皇統6

1146 紹興十六年
皇統六年

十月，何鑄爲大金賀正旦國信使 216/1。

宋史：九月甲戌廿日命何鑄等爲金國祈請使，請國族。

1147 紹興十七年
皇統7

1147 紹興十七年
皇統七年

九月一日沈該爲賀生辰使，詹大方爲賀正旦使 216/1。

宋史：八月戊申廿日遣沈該使金賀正旦，詹大方賀生辰。

九月二日趙鼎卒於吉陽軍 216/1。

宋史繫於八月癸卯二十一。

1148 紹興十八年
皇統8

1148 紹興十八年
皇統八年

九月，陳誠之爲賀正旦使，王墨卿賀生辰使 216/8。

宋史：閏八月戊申十一遣王墨卿使金賀正旦，陳誠之賀生辰。

1150 紹興 20
天德 2

1150 紹興 二十九年
天德 三年

二月，金遣使來報卽位 217/1。

宋史繫於三月庚辰三日。

九月，陳誠之爲賀正旦使，王曠賀生辰使 217/1。

宋史繫於八月辛酉十八。

1151 紹興 21
天德 3

1151 紹興 二十一年
天德 三年

八月四日韓世忠薨 217/1。

宋史繫於壬申五日。

九月，幸張俊第 219/1。

宋史繫於十月甲戌八日。

1153 紹興 23
貞元 元

1153 紹興 二十三年
貞元 元年

十月八日施鉅爲賀正旦使，吳奐賀生辰使 219/2。

宋史：十月戊午三日遣吳奐使金賀正旦，施鉅賀生辰。

十二月，金人改元「正元」 219/2。

金史：三月乙卯三十改元「貞元」。

1154 紹興 24
貞元 2

1154 紹興 二十四年
貞元 三年

七月十四日幸張俊第臨奠 219/3。

宋史繫於戊寅二十。

1155 紹興 25
貞元 3

1155 紹興 二十五年
貞元 三年

十月八日鄭楠爲賀生辰使 219/8。

宋史作「鄭楠」八日爲壬午。

1157 紹興 27
正隆 2

1157 紹興 二十七年
正隆 二年

十月二十五日劉章爲賀生辰使，孫道夫賀正旦 224/7。

宋史：十一月乙丑三日遣孫道夫使金賀正旦。辛巳十九遣劉章賀金主生辰。

1159 紹興 29
正隆 4

1159 紹興 二十九年
正隆 四年

十二月，續齋知荆南府下云「劉鑄改除鎮江府駐劄都 224/8。」

宋史：紹興三十年十月壬戌八以劉鑄爲鎮江都統制。

1161 紹興 31
正隆 6，大定元

1161 紹興三十一年
正隆六年。十月改元大定

五月二十五日吳璘除四川制置使 228/13。

宋史：五月乙未三十吳璘爲四川宣撫使。

八月十四日李寶以舟船下海至東海縣。僞知縣高敞及前知縣支邦榮降 231/1。

宋史：八月甲寅十四李寶率舟師發江陰。大風，退泊明州關澳，聚兵復進。

九月二十四日夏俊克泗州 231/8。

宋史繫於壬辰三十。

九月二十九日吳璘克蘭州 232/4。

宋史：九月己亥三十蘭州漢軍千戶王宏殺其刺史溫敦烏也來降。

十月八日金人立葛王袁於遼陽府 233/2。

金史：十月丙子七東京留守曹國公烏祿卽位于遼陽。

十月九日「日」字原誤作「月」金人寇廬州。建康都統王權領軍遁走 234/2。十七日統領姚興及金人戰於尉子橋，歿於陣 235/8。二十日王權登車船渡江 236/8。二十三日金人入和州 236/8。

金史：十月丁未八徒單貞敗宋將王權于盱眙軍，進取揚州。前鋒軍至段寨。

宋戍兵皆遯去。敗宋兵于蔚子橋。敗宋兵于巢縣。斬二百級。至和州。王權夜以兵千餘來襲。射却之。翼日，雨，宋人夜焚積聚遯去。詰旦，追之。宋人逆戰。猛安韓棠軍却，遂失利。溫都，奧刺奔北。武捷軍副總管阿散率猛安，謀克力戰，却之，王權退保南岸。

宋史：十月戊申九王權聞金兵大至，自廬州引兵退屯昭關。丙辰十王權自昭關遁。金人追至尉子橋。破敵軍統制姚興戰死。權退保和州。庚申十一王權自和州遁歸，屯于東采石。辛酉三十金人陷和州。

十月十日知均州武鉅奏招降到忠義人 234/3。

宋史作「筠州」十一日為。

十月二十七日李寶敗金人於陳家島 237/1。

- 金史：十月癸亥二十浙東道蘇保衡與宋人戰于海道，敗績。副統制鄭家死之。
- 十一月一日金人寇無爲軍 238/1。
- 宋史：十一月壬申四日金人游騎至無爲軍。守臣韓懿棄城走。
- 十一月六日詔諸軍逗撓失律，召成閔代劉鑄 238/7。
- 宋史：十一月丁亥十九劉鑄以疾罷。
- 十一月八日金國主亮退和州，以其衆趨淮東 239/6。
- 宋史繫於庚辰十一。
- 十一月十六日金人以船筏攻茨湖，不克，退去 239/10。
- 宋史：十二月庚子二日金人犯漢南之茨湖。鄂州軍士史俊登其舟，獲一將，諸軍繼進，遂擊却之。
- 十二月在七日後，九日前金人知鄧州錄事高通以鄧州來歸 247/2。
- 宋史：十二月甲辰十六均州統領告朝復鄧州。
- 1162紹興三十二年
大定二年
- 正月二十八日趙摶棄蔡州 249/7。
- 宋史繫於二月乙丑二十一。
- 三月二十一日原文有誤。上已有二十二日洪邁等過北界 250/10。
- 宋史：四月戊子三十洪邁等辭行。
- 三月，張子蓋解圍海州，奏捷 250/10。
- 宋史：五月辛亥十五張子蓋救海州，遇金人于石湫堰，大敗之。金人解去。
- 三月，御營使太傅楊存中結局 250/10。
- 宋史：五月戊申十一以楊存中爲醴泉觀使，奉朝請。